

24





14858

Hecatongraphie

c'est-à-dire la description
de cent figures et histoires
contenant plusieurs apophteg-
mes, proverbes, sentences et
ditz, tant des anciens, que
des modernes. Paris 1548

Reliure maroquin rouge, dos
orné, filets sur plats, tranches
dorées (Trautz-Baillonnet) in 18


Ce vol. composé à l'imitation
des Emblèmes d'Alciat, du
Théâtre des bons engins, et de
la Morosophie de Guillaume
de la Ferrière est orné de 100
très-jolies figures finement
gravées sur bois — Très-rare
édition contenant les mêmes
bois que celle de 1543, mais
sans bordures. Très-bel exemplaire
Voici encore un poète peu ou
plus connu de nos jours qui mé-
rite d'être recherché. Sa science
égale son art poétique.

Du même auteur :

Les menues poésies d'amour
Les Epitaphes faictes sur le
trespas de messires Robert
de la Marche.

Le Farnasse des Poètes fran-
çais, 1557 - et enfin le
Comte de Rossignol qui
est son chef-d'oeuvre.

Le présent exemplaire
provient de la vente et
de la bibliothèque de
Géméniz.



Voir cat. Prestemon

n° 25

15000 dollars + TVA

Un des plus beaux
ouvrages de peintres anciens

HECATON- GRAPHIE, C'EST A'DI-

RE LA DESCRIPTION DE CENT

*Figures & hystoires, cōtenās plusieurs
apophtegmes, prouerbes, sentences,
& ditz, tant des anciens, que des mo-
dernes. Le tout reueu par son Au-
teur.*

A' P A R I S,

Par Estienne Groulleau, demourant en
la rue Neuue nostre Dame à l'en-
seigne saint Ian Baptiste.

I 5 4 8.

THE CATHOLIC

GRANTHUR CATHOLIC

IN THE CATHOLIC

GRANTHUR CATHOLIC

GRANTHUR CATHOLIC

GRANTHUR CATHOLIC

GRANTHUR CATHOLIC

GRANTHUR CATHOLIC

GRANTHUR CATHOLIC

GRANTHUR CATHOLIC

GRANTHUR CATHOLIC

GRANTHUR CATHOLIC

GRANTHUR CATHOLIC

GRANTHUR CATHOLIC

GRANTHUR CATHOLIC

GRANTHUR CATHOLIC

GRANTHUR CATHOLIC

GRANTHUR CATHOLIC

GRANTHUR CATHOLIC

GRANTHUR CATHOLIC

GRANTHUR CATHOLIC

GILLES CORROZET

PARISIEN, AUX BONS

espritz & amateurs des lettres.

VOulant, Seigneurs, ce petit liure faire
Pour au vouloir des Muses satisfaire,
J'ay à par moy pensé bien longuement
A ce, qu'on dit assez communément:
Qu'il est assez, voyre trop devolumes,
Taut d'imprimez, que d'escritz par les plumes
Et que plus sont de liures que lecteurs,
Plus de lecteurs, que vertueux facteurs,
Plus d'escruiains & plus de bien disants,
Que d'auditeurs & que de bien faisants,
Cela pensant ma main qui estoit preste
Pour commencer à escrire, s'arreste:
Ioignant aüecq' la pensée premiere,
Qu'on ne met rien maintenant en lumiere
Qui n'ayt esté on veu, ou desguisé.
Mais en voyant que n'est point desprisé
Le bon ouurier, qui l'ouurage varie.
Comme vn Orfeür en son orfeurerie,
Qui d'un argent fait vn pot, vn ymage,
Puys en changeant & desguisant l'ouurage,
Il en fait tout ce qu'il luy vient à gré:

Ainsi fuyuant celuy en mon degré,
Je ne dois pas aucun blasmꝰ en courir.
Si i'ay voulu enchercher, & querir
Ce, qui fut dit des gents de bon sçauoir,
Le desguisant, pour mieux le faire voir
A l'œil de tous, commꝰ on fait par raison
De vieux mesrien vne neuue maison.

Or excusant la copiꝰ infinie
De tant d'escritz, on sçait & nul le nye
Qu'un bon esprit qui les lettres entend,
A se monstrier de iour en iour pretend,
Pour bien d'autrui: & à fin qu'il ne meure
Commꝰ ignorant, duquel il ne demeure
Sinon le corps pour estrꝰ entre les vers.
De tant d'escritz soit en prosꝰ ou en vers,
Ne sont aucuns si foybles ou petitz,
Qu'ilz n'ayent en soy atrayants apetits,
Pour l'un ou l'autrꝰ: en sorte que chacun
A son plaisir en peult trouuer quelqu'un.
Et n'y a liurꝰ, ou escrit, qui n'apporte
Fruit, ou plaisir. Voylà qui me conforte
En mes escritz, & qui m'a auancé
De poursuyuir mon propos ia pensé.
C'est ce liuret, qui contient cent Emblemes,
Authoritez, Sentences, Apophthegmes,
Des biens letrez, comme Plutarquꝰ & autres.
Et toutesfois il en y a des nostres

Grand' quantité, aussi de noz amys:
Qui m'ont prié qu'en lumiere fut mis,
Pour le plaisir qu'on y pourra comprendre,
Et pour le bien qu'un y pourra apprendre.
Et pour autant que l'esprit s'esioiust
Quand avecq' luy de son bieu l'œil iouyst,
Chacunꝫ hystoirꝫ est d'ymage illustrée,
A fin que soit plus clerement monstrée
L'inuention, & la rendrꝫ autentique,
Qu'on peult nommer lettrꝫ hieroglyphique:
Comme iadis faisoient les anciens,
Et entre tous les vieux Ægyptiens.
Qui denotoient vicꝫ, ou vertu honneste,
Par vn oyseau, vn poysson, vne beste.
Ainsi ay fait, à fin que l'œil choyisse
Vertu tant bellꝫ, & delaisse le vice,
Aussi pourront Ymagers & tailleurs
Paintres, Brodeurs, Orfeüres, Esmailleurs,
Prendrꝫ en ce liurꝫ aucune fantasie,
Commꝫ ilz feroient d'une tapisserie.
Reccuez dencq' le liure tel qu'il est
Et s'il vous vient à gré, & il vous plaist,
De vray, sera ocaſion entiere
De mettrꝫ au iour quelque belle matiere.

Plus que moins.

A iij

Huictain.

Quand vous serez à vostre bon loysir,
Et que n'aurez pas grandement affaire:
Quand vous voudrez prendre quelque plaisir,

Et à l'esprit par lecture complaire:
Quand vous voudrez sçavoir quelque exemple,
plaire,

Propoz moraux de la Philosophie.
Et ce qui est maintesfoys necessaire,
Lisez dedans cest Hecatongraphie.

THE LIFE OF AUNT SARAH

THE LIFE OF AUNT SARAH
BY MARY W. B. FOSTER
IN TWO VOLUMES
VOL. I
LONDON: PUBLISHED BY J. JOHNSON, ST. PAUL'S CHURCH-YARD, 1801.

THE LIFE OF AUNT SARAH
BY MARY W. B. FOSTER
IN TWO VOLUMES
VOL. II
LONDON: PUBLISHED BY J. JOHNSON, ST. PAUL'S CHURCH-YARD, 1801.

HECATONGRAPHIE.
Parler peu & venir au point.



Celuy qui mieux tirera
Droit au but, & plus pres du blane,
Son coup sera estimé franc,
Et la louange en recevra.

HECATONGRAPHIE

Vous qui entre les gents parlez,
Et tenez propos & langage,
En conseil estans apellez,
Monstrez contenance de sage.
De trop parler n'ayez l'vsage:
Car de plaisir on n'y prend point.
Euitez redit & remplage,
Et venez droitement au point.

Vous qui plaidez es iustes cours,
Ne vueillez trop longs plaidz tenir:
Soyez en voz causes plus courts,
Et venez ou il fault venir,
Sermonneurs, ayez souuenir
De conclurr à la verité::
Et pour beau parler maintenir,
Euitez la prolixité.

De tous les coups que l'archer tire,
Celuy du but donne le prix,
Il n'a fait coup qui ne soit pire,
Comme perdu mis en despris.
Celuy qui a doncq' entrepris,
De parler sans confusion,
Ainsi qu'un homme bien appris,
Face brieue conclusion.

HECATONGRAHIE.
Raison doit estre au conseil.



Dequoy sert la coniunction,
De deux oyseaux, qui sont femelles?
Puys qu'ilz ne peuvent sous leurs aelles,
Produire generation?

HECATONGRAPHIE.

SI vn conseil est assemblée,
Et raison ne soit la premiere,
Il sera confus & troublé,
Sans conclusion de matiere:
Car pour bien sçauoir la maniere,
Et de conseil auoir l'esprouue,
Ne fault que raison soit derniere:
Mais qu'en la placx elle se treuve,

Car tout conseil fait sans icelle,
Ne vient point à perfection,
Comme femellx avecq' femelle,
N'engendrent que corruption:
Car quand ilz font production,
De leurs œufz, aucun fruit n'en vient.
Tout ainsi sans droitx action,
Conseil inutile deuient.

Voyse doncques tousiours deuant
La raison comme vraye guide,
Et ne mettons noz faitz auant,
Qu'elle ne tiennx en main la bride
Car si tant peu elle nous ayde,
Nostre fait bien se portera,
Et ne sera point d'honneur vuide
Celuy, qu'elle suportera.

Insufisance.



Moy pauvre Chien de ma nature,
Si hastif suys à deuorer,
Qu'en receuant ma norriture,
Je ne l'ose pas sauourer.

HECATONGRAPHIE.

LE pain qu'on ietꝝ à vn grād chien mastin⁷
 Il le deuorꝝ, & mange sans faueur:
 La gueule béꝝ il acourt au butin,
 Pour de morceaux estre prompt receueur,
 Il ne prend goult ny à pain, ny à chair:
 Tous ses morceaux aualle sans mascher,
 Pour retourner aux autres plus soudain.
 Tout ainsi fait l'hommeꝝ auarꝝ, & mondain,
 Qui prend des biens sans goustier & taster:
 Il serre tout pour plustost se haster,
 De retourner gagner des autres biens:
 Iamais ne peult son vouloir contenter,
 Tout ce qu'il a ne luy sffit en riens.

Et toutesfoys le chien se rassasie,
 En quelque temps: mais l'auaricieux
 Ne peult oster des biens sa fantasie
 Car d'en gagner est tousiours soucieux.
 Mais dequoy sert ceste grandꝝ habondance,
 Vaudroit pas mieux honneste suffisance
 Pour se norrir, que tant grandes richesses,
 Que l'on aquiet en peines & destresses,
 En grans labeurs & obstinez trauaux?
 Meilleur seroit: car ayez beau cheuaux.
 Terres, maisons, & tout ce que voudrez,
 Or & argent, & les monts, & les vaux,
 Dedans cent ans (certes) n'en iouyrez,

HECATONGRAPHIE.

Contre les brocardeurs



Petite fascheuse Arondelle,
Auez vous assez caqueté?
Gaignez au pied, tirez de l'alle,
Fuyez vous en d'autre costé.

HECATONGRAPHIE

LE brocardeur, qui est trop importun,
Doit estre mis de toutes gents arriere.
Impossible est qu'il n'en fasche quelqu'un,
Tant en ses ditz qu'en façon & maniere:
Car sans garder bon ordre en sa matiere,
Cause tousiours tant qu'il en est confus,
Et bien souuent: on s'en moque en derriere,
De l'escouter les sages font refus.

Tant caqueter, tant parler sans propos,
Est maintesfoys espee de folie
C'est signe aussi d'un cerueau mal dispos
Auquel prudence est quasi abolie.
Tel iargonneur engendre fascherie,
Aux auditeurs, tout ainsi que l'Aronde
Fasche les gents quand si longuement crie:
Car en son chant n'y a plaisir du monde.

Le babillard à grand' difficulté,
Pourroit garder la loy, Pythagorique,
Qui du parler estoit la faculté,
Cinq ans entiers, c'est le terme olympique.
Silence est doncq' plaisant, & pacifique,
Sœur de Prudence & dame des secretz:
Tair ou bien dir est un prouerbe antique,
Qui est gardé des sages & discretz.

MECATNGRAOHIE.

Deffense du pais.



Vne Spartainx aperceuant son filz,
Qui s'ensfuyoit avec les desconfitz,
Pour le pais si tresfort s'esuertue,
Qu'outre nature elle l'occit & tue.

HECATONGRAPHIE.

Homme couard, & lasche de courage,
 Effeminé, trop timidꝯ & paoureux
 Ta fuyte m'a au cueur misꝯ vne rage,
 Qu'impossiblꝯ est qu'il soit plus douloureux
 Car au lieu d'estrꝯ enuers toy amoureux,
 Laisant pitié & douceur maternelle,
 Ie t'occiray d'un glaiue dangereux
 Prenant le nom d'une mere cruelle.

Làs! estu né contre loy de nature
 Qui nous contraint nostre païs aymer?
 Tant soit cruellꝯ il n'y a creature,
 Qui ne voulist pour son païs s'armer,
 Et tu t'enfuy? Celà est à blasmer:
 Mais des blasmez ie ne veux estrꝯ au conte.
 Mieux vault mourant se faire renommer,
 Qu'estre long temps viuant à sa grand'honte.

Ia n'entreras en Sparte le cité,
 Puy que tu fuys ainsi de la bataille,
 Laisant la villꝯ en sa necessité,
 En te voulant enclorrꝯ en sa muraille.
 Honneur me dit qu'à ce coup ie t'affaille,
 Pour mieux venger l'iniure du païs:
 Ie le feray tant que l'esprit en saille,
 Dont ie lairray les hommes esbahis.

HECATONGRAPHIE.

Ingratitude.



Le Lhierre croist autour d'un arbre &
monte

Iusqu'au coupeau, & tāt croist sa puisſāce
Que celny arbre il offusque & surmonte,
Et en la fin luy porte grand' nuysance.

A H Lhierrelie t'ay trop porté,
 Car en fin tu m'as surmonté:
 T'ay trop souffert que ta verdure,
 Print autour moy sa norriture,
 Et les fueilles & branches tiennes,
 Se ioignissent avecq' les miennes.
 Je t'ay soustenu en ieunesse,
 Et tu me nuys en ma vieillesse:
 Car tu me portes grand dommage,
 Par ton amplx & obscur vmbrage,
 Tant que mes fleurs & mes bons fruitz,
 Sont par toy gastez & destruitz:
 Et ne puis bailler à mon maistre,
 Tel profit commx il souloit estre.
 Ainsi est il de plusieurs gents
 Qui sont d'amytie negligens.
 Et ne cognoissent les bienfaitz,
 Qui par les autres leur sont faitz:
 Ains mettent toute leur estude,
 Par le vice d'ingratitude,
 A suplanter leurs bienfaiteurs,
 Qui de leur fait sont conducteurs:
 Car ceux qui les ont esleuez,
 Sont par eux foulez & greuez,
 Commx ingratz, pires que les bestes
 Qui sont en ce fait plus honnestes.

HECATONGRAPHIE.

Ha yne recommencée, pire que
deuant.



Après qu'un charbon est estaint
Et de rechef du feu ataint,
L'ardeur est plus grande beaucoup,
Qu'elle n'estoit à l'autre coup.

H E C A T O N G R A P H I E .

Q V and vn courroux est apaisé,
Et puy apres il se r'allume,
A l'estaindrꝯ il est mal aysé:
Car plus que deuant ard & fume.
Ainsi que l'on void par coustume
Vn charbon qui estaint sera,
S'il r'entrꝯ au feu, qui tout consume,
Plus ardemment il bruslera.

V ne hayne recommencée,
Est beaucoup plus durꝯ & cruelle,
Que n'estoit la fureur passée,
Et en sort bien plus grand' querelle.
Si le feu montꝯ en la ceruelle.
Ou il auoit desia esté,
La noyse en sera plus mortelle,
Plongéꝯ en irꝯ & cruauté.

Celluy qui void doncq' courroucer
Son amy, qui puy se r'apaise,
Il ne doit point recommencer,
A le faire chaud comme braise:
Car s'il s'esmeut en la fournaise
De son cerueau, tout gastera,
Et ne sera iamais bien aysé,
Iusqu'à ce qu'il s'en vengera.

HECATONGRAPHIE.

Vertu domine sur les astres.



Si vne femme est née sous le signe
Du Scorpion qui de la queue poind,
Certes celà pourtant n'empesche point,
Sa chasteté vertu tant sainte & digne.

HECATONGRAPHIE.

LEs naturelz, qui du ciel estudent
Les haultx secretz, entrꝯ autres choses
dient

Le Scorpion auoir regard aux membres,
Et lieux honteux, & aux secretes chambres
De la marris: ayans l'opinion,
Si femme naist deffous le Scorpion,
Qu'ellꝯ aymera le plaisir de la chair.

Mais Salomon, voulant plus haultchercher,
Nous a escrit, que l'homme de prudence
Dominera sur mauuaisꝯ influence
Des astres clers, & des signes celestes.
S'ainsi n'estoit nous viurions comme bestes,
Suyuant l'effait que nature nous donne.
Pareillement la femme qui est bonne
Ne fera point par constellation,
Folle de corps en sa condicion,
S'elle ne veult: car raison l'amonnest
D'estre tousiours en tous ses faitz honnest.
Et n'y a signꝯ au ciel resplendissant,
Qui soit sur ellꝯ aucunement puissant,
Si elle veult de ferme volunté,
Garder son corps par sainte chasteté.

HECATONGRAPHIE.

Amour ne se peult celer.



Ie suys vn liurx auquel on aperçoit,
Les grans secretz de l'amoureuse flamme,
Ie suys gardé de ceste belle Dame,
Pour vn amy quelque part ou il soit.

HECATONGRAPHIE.

A Mour est de si grand' puissance,
Qu'il ne se peut tousiours celer:
Car il tend à la iouyssance
Nonobstant baiser, ou parler.
Regard ne peut le cuer saouler,
Le penser repaist quelque temps:
Mais celà n'est que battre l'ær,
Iouyr fait les amants contants.

Mais quand on perd tous ces acces,
Qu'on ne peut voir, baiser, ou dire,
Le cuer trebuché en tel excès,
Qu'il veult ses grans douleurs escrire:
A fin que l'aymé puisse lire,
Le dueil que l'autre peut souffrir,
Et commé il est en ce martire
Par faulte d'amour luy offrir.

Ceste Dame doncq' esgarée,
De son amy trop rigoureux,
A escrire s'est preparée,
Ses regretz, & plaintz douloureux,
Pour les monstrier à l'amoureux,
A fin qu'à elle se r'alie:
Mais par telz escritz malheureux,
A chacun monstre sa folie.

Contre la foyblesse des amoureux.



Si Cupido me vient lancer ses flesches,
Ses grans flambeaux, & ses ardantes mes-
ches,

Lors que ie dors & suis ensommeillée,
Que fera il quand seray resueillée?

HECATONGRAPHIE.

Ceux qui sont poinds du mal d'aymer,
Y treuvent tousiurs quelqz excuse,
Disants: Qu'on ne se peult armer
Contz Amour qui vient entamer,
Leur cueur par sa subtile ruse.
Et comme ceste Damz acuse
Cupido qui d'aymer la presse,
Ainsi excusent leur foyblesse.

Mais c'est trop grande lascheté
De se laisser vaincrz en ce point.
On sçait bien que la volonté
Qui doit viurz en sa liberté,
Est la maistressz, ou ne l'est point.
D'alleguer Cupido me poind,
Et me met au cueur vne rage,
C'est faulte d'auoir bon courage.

Amour ne vient point en dormant,]]
Si ce n'est songz, ou fantasie.
Que peult auoir vn fol amant,
Qui va l'amytié reclamant,
D'une Dame qu'il a choisie.
Femme n'est point d'amour saisie,
Dormant, veillant aucunement,
Sans y donner consentement.

HECATONGRAPHIE.
De tribulation vient prosperité.



C'est ma vie, et ma soustenance.
Quand ie brusle en vn feu ardent:
Mais si le feu s'en va perdant,
Ie peris en grand' desplaisance.

HECATONGRAPHIE.

Souuentefois prosperité
Prend naissance d'auersité,
Et de la tribulation,
Vient grande consolation.
Le feu en monstre la maniere
Auquel est substancꝝ, & lumiere:
La substancꝝ est chaudꝝ, & ardante,
La lumiere est clerꝝ aparente.
La grand' ardeur note tristesse,
Et la clarté ioyꝝ & liesse.
Et commꝝ apres nuict sans seiour,
Succede le clair, & beau iour:
Tout ainsi la ioye succede,
A douleur, dont elle procede.
La tuilꝝ en fait la clere preuue:
Car si au feu elle se treuve,
Et que la chaleur ellꝝ endure,
Elle deuendra fermꝝ & dure:
Et tant plus elle bruslera,
Tant plus elle s'endurcira.
Si nous sommes doncq' tourmentez
Et par auersité tentez,
Nous deuons auoir esperance,
Qu'il en viendra ioyꝝ & plaifance.

Lyesse, & tristesse



Celuy n'y a en ce monde viuant,
 Qui des douceurs d'iceluy n'ait gousté
 Et qui des maux & douleurs n'ayt tasté,
 Ainsi que dit Homere tressçauant.

IVpiter dieu, qui les hautx cieux gouverne,
 En son celier tient publique tauerne,
 A tous venants, par les mains de Fortune:
 Qui donnꝰ à boirꝰ, à chacun, & chacune,
 En verres clers, en tasses & vaisseaux,
 Deux vins diuers de differents touneaux.
 L'vn est claiet, petillant, vigoureux,
 Ioyeux, & bon, friand, & saueureux:
 En ce vin là, par vn valet bien gent,
 Se tirꝰ en potz, qui sont d'Or, & d'Argent.
 Le second vin est troublꝰ & esuenté,
 Gras & pesant, tout aigrꝰ & tout gaste,
 Meulé de liꝰ, estonné de tonnerre,
 Tiré dedans aucuns vieux potz de terre.
 Fortunꝰ est là, qui des yeux ne void goute,
 Laquellꝰ en versꝰ à chacun pintꝰ ou goute.
 Goute n'y voit: car alors qu'elle pense
 Verser bon vin, ne verse que despense.
 Aucunesfoys le bon vin elle donne,
 Pour le mauuais, ainsi qu'elle s'adonne.
 Ioyꝰ, & douleur denotent ces deux vins,
 Dont nons beuons qui sommet pellerins:
 Er n'y a nul en faisant le voyage,
 Lequel n'ayt beu d'vn ou d'autre breuuage.

HECATONGRAPHIE.

Qui fait mal, hait la lumiere.



Qui fait mal en quelque maniere
En tuant. & en destroussant,
Et à Dieu n'est obeissant,
Il hait verité, & lumiere.

Celuy qui à son prochain nuyt,
Et luy veult faire du dommage,
Cherche tenebres & la nuict,
Pour auoir mieux son auantage.
La clarte n'est à son vsage,
Car elle luy fait mal à l'œil:
La main met deuant son visage,
Craignant la clarté du Soleil.

Tous les larrons fuyent le iour,
Au moins le iour de cognoissance:
Brigands es boys font leur seiour,
Et meurdriers cherchent ignorance.
Celuy qui de tromper s'auance,
Fait son cas (s'il peult) en cachette,
Sous les tenebres d'oubliance,
Et n'en fait mise ne recepte.

Or ce pendant que temps auons
Laissons la noirç obscurité,
Le reluyfant Soleil suy uons,
Qui rend par tou si grand' clarté:
Lequel a de luy atesté,
Que qui suit sa bonté diuine,
Il luyt lumierz & verité,
Et en tenebres ne chemine.

HECATONGRAPHIE.

Chasteté vainct Cupido.



Contre Pallas Cupido son dard lance,
Mais au deuant elle met son escu:
Et fait si bien qu'elle le rend vaincu,
Tout desnüé d'armes & de puissance.

H E C A T O N G R A P H I E .

SAinte Pallas déesse trespudique
L'honneur t'est deu, & prix victorieux:
Tu as vaincu Cupido l'impudique,
Adoucissant son vouloir furieux.
Ton chef benin, celest & glorieux,
Sera orné du Laurier de victoire:
Et pour acroistr encoures mieux ta gloire,
La palmꝰ en main te fault pour signꝰ & mar-
que
Commꝰ à bien sceu coucher en son hystoire,
Ton grand amy le tresçauant Petrarque.

Suyuez, suyuez mes Dames ceste cy,
Qui sçait tresbien à l'amour resister:
C'est chastete qui fait crier mercy
A fol amour, quand il veult persister.
Sous son guidon, vueillez doncq' assister,
Contre la chair gaignerez la bataille.
Si vous voyez qe Venus vous assaille,
Prenez pour vous l'escu de chasteté:
Lors ne craindrez son pouuoir yne paille
Si vous auez armes d'honnesteté.

HECATONGRAPHIE.

La cruauté d'Amour.



Puis que ie sents par amoureux encöbres,
Vn feu qui met cueur & corps à tourmēt,
Sans receuoir de Dame allegement,
Fault que l'esprit s'en voise sous les vm-
bres.

L'Homme bruslant en ardeur excessiue
De fol amour, pour la beauté naïue
De quelque Dame, ou belle Damoyelle.
Est il pas fol de tant souffrir pour elle?
L'homme est il pas d'une sote nature,
De tant souffrir pour beauté qui peu dure,
Maux & travaux, tristesses, & malheurs?
Pour un plaisir on a mille douleurs,

Tu voys (lecteur) ce malheureux souldard,
Dont sort un feu qui le consumé & ard,
Et lequel feu ne vient point de dehors,
Ains vient du cuer au milieu de son corps.
Par quoy ne peult ce fol amant se plaindre,
Si cest ardeur le vient brusler & poindre:
Veu que c'est luy qui le soufflé & allume,
Pour se brusler. Mais femme par coustume,
Quand il auient que l'homme est pauvre &
nüd,

Sans biens, sans croix, sans quelque reuenu,
Elle le hait, & de soy le dechasse,
En lieu d'aymer, rudement le menasse.
Il apert doncq' qu'un prodigue amoureux
Reçoit en fin le refus rigoureux:
Car quand il a ainsi son bien perdu,
Il est laissé dolent, & esperdu,

HECATONGRAPHIE.

Recognoistre son imperfection.



Tousiours se sent par orgueil esleuë
L'homme mondain de sa condicion:
Mais s'il cognoist son imperfection,
Humble se tient commē vn boiteux greuë.

ON void souuent cest embleme, & enigme
 Verifié: car l'homme qui s'estime
 Digne d'honneur, de richesses, & d'auoir,
 Pour sa beauté, pour sa force, & sçauoir,
 En presumant plus de soy grandement
 Qu'il n'a desprit & de bon iugement,
 Honneur pretend, & grandz autorité,
 Par vaine gloire & par temerité,
 Et se veult faire obeir comme maistre:
 Ainsi qu'il est denoté par le sceptre,
 Et par vn ælle aposez au talon
 Qui l'homme rend esleué & felon.
 Voilà que fait l'homme de sa nature:
 Mais s'il cognoist comme il est creature
 De Dieu viuant, fait de bonz & de fange,
 Il trouuera cest orgueil bien estrange.
 Il ne voudra sceptre ne diademe,
 Renoncera au desir de soy mesme:
 En contemplant telle fragilité,
 Sera mué en toute humilité.
 Il se verra pauvre & nud de tout bien,
 Et que de luy il ne peult faire rien,
 Sans le secours de Dieu, qui est piteux.
 Et celà est noté par le boiteux,
 Qui pour debout & droit se maintenir,
 Sur la potence il se veult soustenir.

Contre les diuers assaultx d'enuie.



Le Herisson qui des Chiens est vené,
 Pour euitier leur cruelle morsure,
 Tout rond se fait, & pour sa garde seure,
 Est de piquants par tout environné.

Quand tu seras d'enuieux assailly,
 Ne monstre pas ton courage failly:
 Mais pren bon cueur armé de patience,
 Te montrant fort, & plein de sapience,
 Pour resister aux calumniateurs,
 De ton renom & bien dissipateurs.
 Soys tout constant contre les calumnies,
 Blasmes, mesditz, iniures, & enuies,
 Qu'on pourroit bien inuenter contre toy.
 Si les mauuais te mettent en esmoy,
 Par leurs faux ditz, monstre toy bien discret
 Et encontrꝝ eux clos, couuert & secret:
 Ainsi que fait le subtil Herisson,
 Qui sçait tresbien la manierꝝ & façon
 De se garder à l'encontre des Chiens,
 Se sagement qu'on ne luy nuyt en riens.
 Car quand il void, qu'il est assailly d'eux,
 Pour se garder en ce fait tant douteux,
 En rond se met, voyre par vn tel ordre,
 Qu'aucuns des Chiens n'a pouuoir de le mor
 dre.

Il est en soy de tous costez fermé
 Et de piquans tresdangereux armé.
 Que si les Chiens le viennent aprocher
 Pour le tuer, pour le mordre ou toucher,
 A ses piquants tresfort se piqueront,
 Et tout soudain ilz s'en reculeront,

L'ymage de Temerité.



Temerité trop ieune sote,
 Sur vn cheual voltige & trote
 Sans selle, sans resne, & sans bride,
 Et sans auoir aucune guide.

HECATONGRAPHIE.

QVi veult paindrꝫ à la verité
L'ymage de Temerité,
Il fault qu'elle soit toute nue.
Et pour estrꝫ encor' mieux cogneuë,
Elle cheuauchꝫ vn grand cheual,
Qui court & postꝫ à mont & val,
Pource qu'il n'est encor' dompté:
Car aucun n'a sur luy monté,
Et (qui pis est) n'a bridꝫ ou frain,
Qu'elle peüst tenir en la main.
Ains court comme descognoissante,
Sans tenir chemin, voyꝫ, ou sente:
Et des esperons poind & pique
Ce cheual, qui ses piedz applique,
A ruer & sauter en l'ær
Si fort, qu'on ne le void aller.
Ellꝫ a des fleurs vne coronne,
Qui son plaisant chef environne:
Et ses cheueux longs & espars,
Derrierꝫ elle de toute parts,
Pendent & voletent au vent.

Cestꝫ hystoirꝫ est misꝫ en auant,
Notant qu'en follꝫ hardiessè,
N'y a grand' raison, & sagesse:
Car ellꝫ est trop auantageuse,
Trop indiscretꝫ & outrageuse.

HECATONGRAPHIE.

Noblesse de science.



Achilles grand' honneur merite
Pour sa prouesse redoutable:
Homere aqiert honneur semblable,
Pour l'hystoire qu'il a escrite.

HECATONGRAPHIE.

LE Gentilhomme expert au fait des armes,
Qui est duc̃teur des fortz & preux gens
darmes,

Merit̃ auoir tresgrand renom & pris:
Et mesmement quant aux chocs & alarmes,
Se monstre preux, & ne craint les vacarmes,
Des ennemys qu'il veult tenir surpris.
Si pour le bien publicq̃ a entrepris,
Quelque grad cas comm̃ homme bien apris,
Et de repos à labeur fait eschange:
Son temps y va, son bien y est compris
Son propre corps y est bien souuent pris,
La raison veult qu'il en ayt grand' louange.

Non moindr̃ honneur & non moindre
noblesse

Aquier̃ l'Autheur, qui par art & sagesse
Cōpos̃ & fait quelq̃ hystoir̃ & cronique
Car si vn Princ̃ a fait haute prouesse,
Ou quelque cas venant de gentillesse,
On l'oubliroit sans cest art & pratique.
Par l'escriuain ou void la chose antique,
Ainsi qu'à l'œil on l'estim̃ autentique,
Aux successeurs en reste la memoire.
L'en dỹ autant du faicteur poëtique,
De tout esprit bon, & scientifique,
Qui pour ses ditz merit̃ honneur & gloire.

Secret est à louer.



Ainsi que le Lymas se tient
En sa coquille, en grand secret:
Tout ainsi l'homme se maintient
Clos & couuert, comme discret,

HECATONGRAPHIE.

Certes tu es grandement à priser,
Petit Lymas, en ta coquill^x enclos.
On ne te peult occire, ne briser,
Si tu n'estois de ta maison forclos.
Tu vis leans en asséuré repos.
Tu te retraits quand on te fait offense.
Nul n'aperçoit ne cognoist ton dispos:
Car ta maison te sert bien de defense.

Ainsi deuroit faire l'homme prudent.
Se tenir coy & ferm^x en sa pensée,
Euyr le mal, quand il est euident,
Prendre Fortun^x alors qu'est auancée:
Saillir en temps quand la peur est passée,
Se declarer en temps & en saison,
Et se celer (toute crainte cessée)
Comme tu fais dans ta coqu^x & maison.

Tu monstres bien par ta condicion,
Que le secret sert à l'vtilité,
Au grand profit & augmentation
Ce tout chacun, à dire verité:
Comm^x vn prouerb^x antiqu^x a recité
A plusieurs gents, Demeur^x avecques toy:
Pour demonstrier en la necessité,
Qu'il n'est si bon que d'estre^x à tout par soy.

HECATONGRAPHIE.

La fin nous fait tous egaux.



La terre est egale à chacun,
Par tous les pais & prouinces:
Aussi tost fait pourrir les princes,
Que les corps du pauvre commun.

HECATONGRAPHIE.

SVr l'eschiquier sont les eschetz assis,
Tous en leur reng, en ordre bien rassis:
Les Roys en hault pour duire les combartz,
Les Roynes pres, les Cheualiers plus bas,
Les folz deffous, puis apres les pions,
Les rocz aussi de ce ieu champions
Et quand le tout est assis en son lieu,
Subtilement on commence le ieu.

Or vault le Roy, au ieu de l'eschiquier,
Mieux que la Royn^e, & moins le Cheualier:
Chacun pion de tous ceux là moins vault,
Mais quand c'est fait, & que le ieu deffault,
Il n'y a Roy, ne Royn^e, ne le roc,
Qu'ensembement tout ne soit à vn bloc
Mis dans le sac, sans ordre ne degré,
Et sans auoir l'un plus que l'autr^e à gré.
Ainsi est il de nous pauures humains:
Car aucuns sont Empereurs des Romains,
Les autres Roys, les autres Ducz & Comtes,
Autres petits, dont on ne fait grans contes.
Nous iouons tous aux eschetz en ce monde,
Entre les biens, ou l'un plus qu'autr^e abonde
Mais quand le iour de la vi^e est passé,
Tout corps humain est en terre mussé:
Autant les grands que petit^z terre cœuure,
Tant seulement nous reste le bon cœuure.

HECATONGRAPHIE.

De ieu, pauureté.



Ie suis marry, dolent, & esperdu:
Car à ce ieu ie perds biens & cheuance.
Maudite soit la miserable chance.
I'auois gaigné si ie n'eusse perdu.

H E C A T O N G R A P H I E .

C'Est embleme nous fait sçauoir,
Qu'il n'est chance qui ne retourne.
Car toy, pipeur, qui veux auoir
L'or, l'argent, le bien, & l'auoir
De quelqu'innocente personne:
Les dez dedans ta main tu tourne,
Et fais sur table cheminer,
Cuydant ta chance r'amener.
Mais s'elle vient tout au contraire,
Tu leues lesdez viftement:
Et toutesfoys finablement,
Tu perds sans y sçauoir que faire,

Celuy qui cherche tromperie,
La tromperie luy reuient.
Par ieu de soit & menterie,
Quoy que la chance se varie,
Contre le trompeur elle vient.
Et souuent ce trompeur deuient,
Tout nud (comm' vn Loup affamé)
Et par le ieu est diffamé,
Rien ne luy reste que la honte,
Et pauureté, que nous doutons:
Il a beau prendre des ietons,
S'il peult reuenir à son conte.

Contre les flatteurs.



Le Crocodile ayant la gueule ouverte,
Dedans vn champ s'endort sur l'herbe
verte.

Vn Serpente au dedās son corps luy entre
Et pour sortir il luy perce le ventre.

HECATONGRAPHIE.

C'est vn grand danger de laisser
Entrer en sa maison flateurs.
Garde toy bien de t'abaisser,
Pour ouyr parler telz menteurs:
Car souuent les adulateurs,
Ressemblent au Serpent, qui tue
Le Crocodilx: & s'esuertue,
Pour l'occire, de le ronger.
Ainsi le flateur constitue
Cil' qui l'escoutx, en tel danger.

Pource, Princes & gros Seigneurs,
Et vous gouuerneurs de famille,
Gardez vous de ces blasonneurs.
Souuienne vous du Crocodile:
Car leur langue faulx & subtile,
Ne tasche qu'à vous deceuoir:
Ou pour voz richesses auoir,
Dont en fin vous repentirez:
De les fuyr faites deuoir,
Et tresbien vous en trouuerez.

Les grans ne doiuent craindre la mort



Ceste couronne enlaſſée de vers,
 Mōſtre à chacun & meſmemēt au Prince
 Que mort prend tout, qu'elle meurdriſte &
 pince,
 Et fait geſir les plus grans à l'enuers.

HECATONGRAPHIE.

LA mort à tous est egal & commune,
 N'espergnant nul, & est ainsi comm' vne
 Entiere loy, sous laquell' obligez
 Sont tous humains de ce mond' affligez.
 Par là conuient sous les viuants passer;
 Il fault mourir: il nous fault trepasser.
 Celuy n'y a tant puisse loing courir
 Qui puisse auoir sauuegrad' à mourir.
 Puis qu'ainsi est doncques, que ceste mort
 Grands & petits elle tuz, elle mord,
 Et qu'elle fait de tous hommes mortelz,
 Hommes viuants & espritz immortelz:
 Nous ne deuons icelle mort tant craindre,
 Ne de son fait aucunement nous plaindre,
 Je sçay tresbien que les Princes & Roys,
 Qui ont vescu en-triumphants arroys,
 Sont esbahis, & craignent & redoutent,
 Quand les effaitz de la mort ilz escoutent:
 Mais celà vient du regret des richesses,
 Des biens mondains, des iöyes & ließes.
 Que s'ilz auoient de la mort bien gousté
 La grand' douceur la grand' vtilité,
 Comm' elle fait les hommes bien heureux
 Ilz n'en feroient esbahys ne paoureux,
 Mais atendroient en esperancé l'heure,
 Que le bon Dieu a estably qu'on meure.

Douce parole rompt ire.



Ainsi que ce petit poisson,
Peult arrester vn grand nauire:
La langue en pareille façon,
Rompt toute fureur, & grande ire.

DEdans les flocz & vndes de la mer
 Nagz vn poisson de petite stature
 Que mariniers ne deussent point aymer,
 Pource qu'il est d'une telle nature,
 Que s'il suruient vne nef d'auanture,
 Et il s'y ioint elle s'arrestera
 Commz en grauier, ou terre fermz & dure,
 Tant qu'il y soit elle ne bougera.

Semblablement la bien petite langue
 Membre subtil fort deliz & tendre
 Quand ellz vient à fairz vnz harangue,
 Pour se vouloir de chacun fairz entendre,
 Ellz à vertu de pouuoir romprz & fendre,
 Par sa douceur vnz ire furieuse:
 Contre la languz on ne se peult defendre,
 Quand la parolz est doucz & gracieuse.

Et tout ainsi que ceste nef s'arreste
 Par Eschines qui a si petit corps,
 Ainsi fureur pleine d'irz & tempeste,
 Par beau parler se muz en bons acordz:
 La langue peult encontre les plus fortz,
 Pour les induirz à douceur & pitié
 Quand beau parler fait doncques ses effortz
 Il conuertit la haynz en amytié.

HECATONGRAPHIE.
Dessous beauté gist deception.



Bien souuent sous quelque beauté
Et sous bonne & douce aparence,
Gist falace & desloyauté
Dont on ne sçait la difference

Vn hommꝰ auoit vne femmꝰ assez belle,
 Qui n'estoit pas à son gré bien fidelle:
 Et mit celà si bien en fantasie,
 Qu'il en tomba au mal de ialousie,
 Voirꝰ à bon droit: or fit il tost apres
 Aux parens d'ellꝰ vn banquet tout expres,
 Et apres boirꝰ & leuées les tables
 Leur raconta en motz non delectables
 Comment sa femmꝰ alors se gouuernoit,
 Et qu'enuers luy tresmal se maintenoit:
 En concluant & donnant à entendre,
 Qu'il la quitoit & qu'il leur vouloit rendre.
 On luy respond que sous clere beauté,
 Estre ne peult telle desloyauté,
 Et qu'ellꝰ auoit l'aparence & la face
 D'honnesteté & vertueuse grace
 Ha mes Seigneurs (dit il) voyez vous pas
 Ces beaux souliers dont ie marche grans pas:
 Ilz sont tous neufz: mais ne sçauiez ou est ce,
 Que l'un d'iceux secretement me blesse:
 Car sous douceur par dehors enbasmée,
 Gist vnꝰ aigreur dedans enuenimée.
 Par le propos que ce mary deduit,
 Voyons que n'est tout or ce qui reluit,
 Et que vray est du Poetꝰ vn prouerbe,
 Que le serpent gist souuent dessous l'herbe.

HECATONGRAHIE.

Plus par douceur que par force.



Contre la froidure du vent,
L'homme se tient clos & se serre,
Mais le Soleil le plus souvent
Luy fait mettre sa robe à terre.

HECATONGRAPHIE

Quand le vent est fort & subit,
Violent pour robz emporter,
L'homme se serrz en son habit,
A fin qu'il ne luy puissz oster.
Mais quand le Soleil vient ieter
Sur luy ses rays clers & luy sants,
Le chaud le fait sans arrester
Despouiller ses habitz plaisants.

Ainsi Amytié & douceur
Fait plus que forcz & violence,
Douceur est d'amour propre sœur,
Qui rend l'homme plein d'excellence:
Il ne faut doncq' mettrz en silence
Ceste tresnoble courtoysie,
Mais l'extoller en precellence
Commz vne vertu bien choisie

Hommes, chassez de vous rigueur
Qui vostre grand' beauté efface,
Prenez de douceur la vigueur,
Qui enrichira vostre face:
Douceur a bien meilleure grace,
Qui rend le visagz amoureux,
Que d'estre dit en toute place,
L'outrecuydé, fol, rigoureux.

HECATONGRAPHIE.

Douceur en mariage.



Combien qu'en mariage on trouue
Espines, chardons, plantz, & pleurs,
Il y a aussi par estreue
Grans plaisirs, fruitz, fueilles, & fleurs.

HECATONGRAPHIE.

VNe coustume estoit en Beotie,
 Que quand la femmꝝ a l'homme s'associe
 Par mariagꝝ, & le iour est passé
 Qu' on a bien beu, mangé, chanté, dansé,
 Et la nuict vient qu' on couche l'espousée,
 Qu'à l'habandon du mary est posée,
 Au soir bien tard quelqu'vne luy aporte
 Vn chapelet fait d'vnꝝ estrange forte,
 Car il est fait de chardons & espines,
 Semé de fruitz à manger bons & dignes:
 Le chapelet est trop mal gracieux,
 Mais autour est le fruit délicieux,
 Et tel est il présenté par les Dames,
 A l'espouséꝝ, en signe que les femmes
 Doiuent porter toutes calamitez,
 Trauaux, douleurs, peines, auersitez,
 Qui reiglement viennent en mariage:
 Et s'ainsi fait l'espousée bien sage,
 Vn tresgrand fruit en la fin trouuera,
 Et apres mal tout bien succedera.
 Ne craigne doncq' homme qui se marie,
 Ne femmꝝ aussi d'y trouuer fascherie:
 Parmy celà vn chacun soit bien seur,
 Qu'il trouuera quelque fruit & douceur
 Ainsi qu' on treuuz entre piquans chardons,
 De tresdoux fruitz, délicieux, & bons.

La force d'Amour.



Cruel enfant, si ton feu brusle & ard
Les cueurs humains par flammes & flam-
mesches:

Pourquoy ton arc tire il tant de flesches?
Veux tu sous toy chacun faire souldarde

HECATONGRAPHIE.

LE Dieu d'amour l'enfant tresinhumain
 Tient vn bel arc dedans sa dextre main
 Dont il descochꝝ vnꝝ ague sagette,
 Que rudement contrꝝ vne Damꝝ il iete,
 Dont il la naürꝝ & fiert par grand' rigueur,
 Tant quelle pert de raison la vigueur.
 Ellꝝ a le coup dont la playꝝ est profonde,
 Qui ne guerit pour quelque herbe du mōde
 Et qui pis est impossiblꝝ est qu'on tire
 Hors de son cueur le fer plein de martyre.
 En l'autre main tient vn feu plein de flamme
 Dans vn cornet dont il bruslꝝ & enflamme,
 Vn amoureux lequel ne peult trouuer,
 Contre ce feu vn assez froid hyuer,
 En viuant meurt, il a viꝝ en mourant,
 Et est sans cessꝝ en ce feu demourant,
 Qui tousiours bruslꝝ & ne peult consommer.
 Si on s'enquiert pourquoy le dieu d'aymer.
 Vse de feu, le cas est tout notoire.
 Qu'il ne pouuoit de son bel arc d'yuoire
 Tant descocher, qu'il peust chacun ataindre,
 Dont à Venus sa mere s'alla plaindre
 Qui tout soudain luy fit present & don,
 De la moytié de son ardant brandou,
 Pour en brusler les amoureux infames,
 L'arc & les tratz il garda pour les femmes.

Hayne entre les amys, & secours trouuë
aux estranges.



L'oyseau de proye en cherchant sa pa-
sture

Treuue les faons du plongeon dessus l'eau
Manger les veult ce trescruel oyseau,
Mais l'eau les sauue & meine à l'auan-
ture.

HECATONGRAPHIE.

CEux là souuent qu'on pense bons amys
 Sont aperceuz & trouuez ennemys
 Et ceux qu'on cuidꝝ ennemys sans pitié,
 Sont ceux desquelz on recourꝝ amytié:
 Commꝝ il apert par cest oyseau sauuage
 Qui vient chercher proye sur le riuage
 Des grandes eaux, ou le plongeon se tient,
 Et dans son nid ses petitz entretient.
 Celuy Plongeon habitant sur les eaux,
 Y fait son nid entre les verds roseaux,
 Et là norrit ses petitz doucement,
 Mais l'autrꝝ oseau y vient cruellement
 Pour les manget & est tant impiteux,
 Qu'il descognoist estrꝝ oyseau ainsi qu'eux:
 De fait s'efforcꝝ à les prendrꝝ & manger,
 Mais l'eau les met hors de ce grand danger,
 Car elle croist si merueilleusꝝ & forte,
 Que les petitz & le nid ellꝝ emporte,
 Sans les greuer & les meinꝝ à bon port.
 Les preseruant du peril & de mort.
 Ces oyseaux doncq' ont trouué gracieuse,
 L'eau de la mer qui est tant perilleuse,
 Et au contrairꝝ ont trouué cruauté,
 Peril de mort, sans nulle loyauté,
 En vn oyseau de leur genrꝝ & coustume,
 Qui est commꝝ eux vestu de belle plume.

HECATONGRAPHIE.

Discorde de haye de Dieu.



Lors que discorde eut esté expulsée
Des cieux luyfants par le dieu Iupiter
Et qu'il la fit en bas precipiter
La guerre fut en terre commencée.

HECATONGRAPHIE.

Discordꝝ vn iour se voulut entremettre
 Entre les dieux & déesses se mettre,
 Là hault es cieux: mais n'y fut pas long temps,
 Qu'entrꝝ eux esmeut grás noises & contents:
 Ce que voyant la puissance diuine,
 Craignant le ciel tresbucher en ruyne,
 Et les discords propos odieux,
 Trop s'esmouuoir entre les puissants dieux
 Du hault du ciel la fit tomber en terre,
 Ou ellꝝ esmeut contention & guerre,
 Entre les gens par longs plaids & proces,
 Armes, cousteaux, & telz piteux excès.
 Haynꝝ ellꝝ esmeut entre le filz & pere,
 Entre les sœurs, entre la fillꝝ, & mere,
 Entre les Roys & Princes estrangers,
 S'accompagnant de mort en telz dangers
 De ce temps là les lieux de paradis,
 Pour tant de maux luy furent interditz
 Car là ou sied la grand' diuinité,
 Estre ne peult noisꝝ & hostilité,
 Le Dieu des dieux ne veult point de discorde,
 Car il est Dieu de paix & de concorde,
 Mais tant de temps que ce monde sera,
 En ces bas lieux discordꝝ habitera.
 Nous deürions doncq' nostre mort souhaiter,
 Pour les beaux lieux de la paix habiter.

HECATONGRAPHIE.

Le courroux r'apaisé, ne restablist
l'offense.



Quand le Cerf est blecé iusqu'au mourir.

De riens ne sert que l'arc soit desbendé,
Car pour celà n'en peult estre amandé.
L'arc desbendé ne le sçauroit guerir,

HECATONGRAPHIE.

QVád no⁹ auós quelque rácune ou hayne
 letant propos & parole vilaine
 Cõtrꝯ vn prochain, no⁹ sommes les chasseurs,
 Apres le Cerf dans le boys pourchasseurs,
 Dont il auient quand ainsi nous chassons,
 L'hommꝯ hay, tresfort le menassons
 De le tuer, & tant croist la menasse
 Qu'il est blecé: O la piteuse chasse!
 Il est naüré aucunesfois si fort,
 Qu'on n'y atend remede que la mort:
 Il est naüré maintesfois par les armes,
 Par les trenchans des cousteaux & guisarmes.
 Il est naüré maintesfois par la langue,
 Quand contre luy elle fait la harangue,
 D'inymitié qui est intolerable:
 Et en ce cas ellꝯ est à l'arc semblable,
 Qui sans cesser se met à descocher,
 Pour en naürer l'amꝯ & le corps tant cher:
 En detractant la personne nommée,
 En luy ostant sa bonne renommée:
 Puy peu à peu la hayne se desbende:
 Mais nostre Dieu expressement commande,
 Que nous soyons bien reconciliez,
 Et par amour & charité liez
 A ce prochain: car riens ne sert de dire
 A luy n'ay plus aucunꝯ haynꝯ ou ire:
 Pense chacun à la sentence vraye
 L'arc desbendé ne guerist pas la playe.

Amytié entre les freres.



Si amytié se treuve es estrangers,
De combien plus entré amys & parens
Doit elle auoir ses effaitz aparens,
Non pas faintifz, desloyaux, ne legiers

VN perç estoit au lit de mort gisant,
 Qui apella (son testament faisant)
 Ses trois enfans:auxquelz comme dispos,
 Il dist ces motz entre plusieurs propos:
 Mes beaux enfans, le principal moyen,
 Pour naitenir en valeur vostre bien,
 C'est auoir paix, & amytié ensemble.
 Que si aucun de vous se desassemble
 De l'amytié, qui entre vous doit estre
 Tout aussi tost vous verrez aparoitre
 Perte sur vous, & malheur qui ne fine:
 Car grand discord tourne tout en ruyne.
 Mais tant de temps que vous entr'aymerez,
 Prosperement en biens proffiterez.
 Qu'il soit ainsi, chacun prennç vne flesche
 Entre ses mains, & s'efforcç & empesche
 De la briser. Lors selon sa deuise
 Des trois enfans, chacun sa flesche brise.
 Prenez (dit il) & ensemblç amassez,
 Chacune fleschç, & puis vous efforcez
 De les briser. Les enfans obeïrent,
 Ensemblément toute les flesches mirent,
 En vn troussseau: mais nul, tant fust puissant,
 Ne les rompit, Le perç esiouissant
 Leur dit: Enfans, tant qu'ensemble serez
 Par amytié, aucun mal vous n'aurez:
 Mais quand l'amour entre vous cessera,
 Tout vostre bien alors s'effacera.

HECATONGRAPHIE

Contre celuy qui est cause de son mal.



L'Oye se fait tort & dommage,
Car la legere plume porte.
Dont on fait ou trait son pennage,
Qui naüre l'Oye & la rend morte.

HECATONGRAPHIE.

L'Arbalestier a de coustume,
Prendre de moy pauvre & simple Oye
De mes ailes la belle plume,
Qu'au long du trait ioint & employe.
Et ce trait contre moy enuoye,
Ma plume l'ayde à l'aporter:
Alors s'il me treuve en la voye,
La mort me vient là arrester.

Je ne doy point estre aculée
Si ie suis cause de mon mal:
Ains dois plustost estre excusée
Pour mon instinct, qui est brutal.
Mais l'homme tresnoble animal,
En qui raison git & repose,
Est à soy mesmes desloyal,
Quand il est de son mal la cause.

L'homme doit bien prendre à luy garde,
Qu'en son parler & en son fait,
Trop ne s'avanture & bazarde,
Qu'il n'en soit surpris & deffait.
Si en luy il cognoist effait
Douteux, dont bien ou mal suruient:
Au vouloir ne soit satisfait,
Car plustost mal que bien auient.

Triumphe d'humilité.



Vn doux Aigneau sous son pied tient
 Le Lyon des bestes le Prince.
 Humilité maistrise, & vince
 Les plus grands, que terre soustient.

HEATONGRAPHIE.

Petit Aigneau tant humblꝝ & innocent,
Tu as vaincu ce Lyon grande beste,
Tu luy as mis ton pied dessus sa teste
Verstoy s'enclinꝝ & au fait se consent.
Il fleure bien ta douceur, & la sent:
Ton pied doucet fait ses crains abaisser,
Et sa fureur du tout en tout cesser:
Ses yeux cruelz se baissent vers la terre.
Tu as sur luy, non par ta forcꝝ aquis,
Mais par douceur, vn grand triumphꝝ exquis,
Tant qu'il est pres de te quitter la guerre.

O que tu es de Dieu la bien aymée
Humilité, au bel Aigneau semblable!
Ta courtoysie & façon amyable;
Vince l'orgueil, qui a la testꝝ armée.
Tu reluyras par claire renommée,
En r'aportant triumphe de victoire.
Ton nom au chef de la sacréꝝ hystoire
Sera escrit, non pas sous lettres closes:
Et sous ton nom sera mis (pour memoire)
Humilité, qui vince toutes choses.

Le vainqueur surmonté par le vaincu.



Le cault Serpent s'efforce de ronger,
Rompre & briser l'espée clere & nue,
Mais ceste espée, au Serpent diminue
Toutes ses dents, & tasche à s'en venger.

VN grand Serpent d'auanturꝝ arriua
 En quelque lieu, vnꝝ espꝛ il trouua,
 Au tour de qui il espreuue sa force,
 Et de ses dents contre l'acier s'efforce.
 Sa fureur croist en rage vehemente,
 Ses dents aguisꝝ & son pouuoir augmente,
 Pour cuyder romprꝝ & briser piecꝝ à piece
 Ce cler baston. Ce qu'il n'eust fait en piece:
 Car en ronguant ce glaiuꝝ, il se trompoit,
 Toutes ses dents vnꝝ à vne rompoit:
 Et en la fin vne dent ne luy reste,
 Que par l'acier de tomber ne soit preste.
 Par ce Serpent remply de cruauté,
 L'homme vainqueur, est signꝝ & noté:
 Et par le glaiuꝝ est designé au iuste.
 L'homme vaincu qui n'est pas si robuste.
 Et toutesfoys bien souuent il auient,
 Qu'à ce vaincu obeir il conuient:
 Et que celuy qu'on estime vainqueur,
 Souz le vaincu perd force, sens, & cuer.
 Ainsi eschet en fortune bellique.
 Ques vn vainqueur contrꝝ vn vaincu se pi-
 que,
 Sur luy cherra la pertꝝ & accident:
 Ainsi qu'il est du Serpent euident.
 Qui en cuydant despecer vnꝝ espꝛ
 Se rompt les dents, la langue s'est coupée.

HECATONGRAPHIE.

L'ymage de Nemesis déesse de iuste
vengeance.



Nemesis puissante Déesse
Lente: mais vraye vengeresse,
Punist de droit & par raison,
Selon le temps & la saison.

HECATONGRAPHIE.

O Nemesis! pourquoy en ton hystoire,
 Tiens tu en main la palme de victoire?
 C'est pour monstrier qu'à la fin ie surmonte
 Mes ennemys, à leur dommagé & honte.
 Pourquoy tiens tu dedans dextre main
 Ce mors de bridé? A fin que tout humain
 Soit en seigné, qu'en faisant la vengeance,
 Il faut le frein de sobre temperance.
 Ie m'esbahis encor' de tes façons,
 Dessous tes piedz que font ces Limaçons?
 Note (lecteur) qu'ainsi qu'à petit pas
 Va le Limas, & ne se haste pas:
 Semblablement ie ne suis point hastiue,
 A me venger, ains fort longuë & tardiue.
 Que signifië aussi que ie voy estre
 Aupres de toy la coronne & le sceptre?
 C'est pour donner à entendre à tous lieux,
 Que ie punis les fiers & orgueilleux:
 Et qu'il n'y a si grand seigneur ou Roy,
 Dont le peché ne soit puny par moy.
 Pourquoy es-tu si descouverte nue?
 A celle fin que ie sois mieux cogneuë:
 Mais sois certain, quoy que le temps rauisse,
 Ie venge tout par le droit de iustice.

HECATONGRAPHIE.

Fault euitier mauuaise Fortune.



S'vn Lieüre marin sent venir
Sur mer la tempest & tonnerre,
Incontinent se met à terre
Pourruoyant au temps auenir.

SI tu cognois que fortune diuerse
 Te soit vn temps trop fascheux & auerse,
 Et que les flots de ceste mer mondaine
 Batent ta nef par tempeste soudaine:
 Faire tu dois commz vn Lieüre marin,
 Qui void le ciel atrempé & serain,
 Dont il est gay, & nagz entre les vndes.
 Mais si les eaux & leurs vagues profondes,
 Sont en fureur par les vents concitées,
 Par la tempestz & oragz excitées:
 Lors se met il en terre fermz & seure,
 Et en ce lieu, du mauuais temps s'asseure.
 Car ce n'est point sa ioyz & sa santé
 D'estrz en la mer grieuement tourmenté:
 Ains est bien mieux dessus la terre verte,
 Là, non ailleurs, sa ioyz est recouuerte.
 Fay doncq' ainsi, si l'auerse fortune
 Vers toy se monstrez amerz & importune.
 Et si tu sens que l'eau d'auerfité
 Tombe sur toy: soys alors incité
 D'en saillir hors & prendre terre ferme.
 C'est à noter, qu'il fault que tu conferme
 Tes bons propos sous espoir d'auoir mieux:
 Et ton cueur soit constant & vertueux,
 Au naturel ioignant le sens aquis,
 Temporisant ainsi qu'il est requis.

Qui nuyt à autruy, il nuyt à soy
mesmes.



L'hōme qui veult le Lieūre marin pren-
dre,
Tout aussi tost qu'il le vient à toucher,
Mort & transy on le void trebucher,
Il veult tuer: mais mort le vient surpren-
dre.

HECATONGRAPHIE.

EN la mer nagé vn venimeux poisson
 Qui a quasi d'un Lieüre la façon:
 Et pour celà, Lieüre marin se nomme.
 Or s'il auient d'auanture, qu'un homme
 Prenne ce Lieüré, aussi tost qu'il est pris,
 Ilz sont tous deux de griue mort surpris.
 Le Lieüre meurt quand l'homme le manie:
 L'homme aussi tost treuve fin à sa vie.
 Ainsi tous deux d'un seul atouchement,
 Finent leurs iours bien miserablement.
 C'est le loyer de ceux, qui veulent nuire
 A leurs prochains, & les veulent seduire:
 Car en pensant à aucun fairé outrage,
 On fait à soy preiudicé & dommage.
 Tel au prochain vne fossé aparcille,
 Qui chet dedans, & a peine pareille.
 Il est prouué au liure de Hester,
 Disant: qu'Aman fit fairé & aprestre,
 Un hault gibet, pour Mardochée pendre:
 Mais Assueré apres le fit tost prendre,
 Et commanda (son malfait entendu)
 Estre luy mesmé en ce gibet pendu.
 Gardons nous donq' de nuiré à nostre pro-
 che,
 Que le peril pres de nous ne s'aproche:
 Et ne faisons à autrui le mefait,
 Que ne voudrions que contre nous fust fait.

HECATONGRAPHIE.

L'ymage de Fortune.



Fortune est vn euenement
Inopiné & tressoudain,
Ne luy donne doncques (mondain)
Effait dessus toy nullement.

HECATONGRAPHIE.

DY moy (Fortuné) à quelle fin tu tiens
Ce mast rompu, duquel tu te soustiens?
Et pourquoy c'est aussi que tu es painte
Dessus la mer de ce long voile ceinte?
Dy moy aussi pourquoy, n'à quelle fin
Sous tes piedz sont la boule & le Dauphin?

C'est pour monstrier mon instabilité
Et qu'en moy n'est aucune seureté.
Tu vois ce mast rompu tout au trauers,
Ce voylé aussi soufflé de vents diuers:
Dessous vn pied le Daulphin parmy l'vnde,
Sous l'autre pied l'instable boule ronde,
Je suis ainsi sur mer à l'auanture.
Celuy qui doncq' a fait ma pourtraiture
Ne veult donner à entendrè autre chose,
Que defiancé est dessous moy enclose:
Et que ie suis de bon port incertaine
Pres de danger, de seureté loingtaine,
Commé en suspens de malheur qui empire,
Ou de bon heur, ainsi que la nauire
Qui est sur mer des vndes agitée,
Douteusé en soy ou doit estre portée.
Doncq' ce qu'on void en mon ymage vraye,
Deçà & là sans seureté tournoye.

Esperance en auersité.



Dedans la mer d'auersité,
 Ceste femme prend esperance,
 De venir à conualescence,
 En terre de prosperité.

HEATONGRAPHIE.

LA mer est tresbien comparée,
 A l'auerfité esgarée,
 Pource que la mer par coustume,
 Est toute pleine d'amertume:
 Et par les vents elle se trouble,
 Vagues contre vagues redouble,
 Là n'y a point de seureté.
 Ainsi est il d'auerfité:
 Car ellꝝ est amerꝝ & fascheuse,
 Troublꝝ, & obscurꝝ, & perilleuse:
 Et si ne vient gueres pour vne,
 Sans amener autre fortune,
 Comme les vagues vont ensemble.
 Doncques à bon droit luy ressemble,
 En ceste mer auoir nous fault
 Bonnꝝ esperance sans default.
 Cestꝝ esperancꝝ est figurée,
 Sus la Sphere bien preparée:
 Ou est paint chacun element,
 Et le tournoyant firmament,
 Et les cieux. Pour nous fairꝝ entendre,
 Que là hault nostrꝝ espoir doit tendre:
 Et quelquꝝ auersité qui vienne,
 Il est besoing qu'il nous souuienne
 D'auoir espoir d'aller vn iour,
 Faire là hault nostre seiour.

Acroissement dire est à escheuer.



Ne frape le feu d'vn^e espée
Quand il est en sa grand' chaleur.
Si l'ire n'est bien atrempée,
Ne soys trop importun parleur.

HECATONGRAPHIE.

Q V and tu verras vn homme courroucé,
Et que le feu d'Ire tant le tourmente,
Qu'il eit quasi commꝫ vn fol insensé
En sa fureur ardentꝫ & vehemente:
Ne frape pas du glaiue de la bouche
Pour l'irriter, garde bien qu'il n'y touche,
Car par celà tu le pourrois blesser.
De le tenfer vueilles doncques cesser:
Car de tant plus qu'à luy tu parleras,
Plus il sera enflambé en son ire:
Doncques le Fer, ne l'Acier ne mettras
Auecq' le feu, qu'il n'en deuienne pire.

Quand le Fer est en vn ardant feu mis,
La grand' chaleur augmentꝫ & multiplie:
A quelz que soient amys, ou ennemys,
En leurs courroux ta langue ne desplie,
Si ce n'est peu: car la fureur s'anime,
Iurꝫ & blasphemꝫ & ne fait point d'estime
De ce parler, mais tousiours perseuere
En son vouloir, trop cruel & seuer.
Mais quand tu voys ce feu d'ires' estaindre,
Et que raison recule les tisons:
Tu dois parler hardiment sans te faindre,
Et mettre hors verité des prisons.

HECATONGRAPHIE.
Amour vaincu par Argent.



Puys qu'Argent m'a tant gourmandé,
Qu'il est par dessus moy le maistre,
Je ne veux plus estre bandé,
Ains veux mon bandeau au feu mettre.

C'Est hōtꝛ à vous Dames & Damoyſelles,
Que Cupido, qui vous tient ſous ſes
ælls,

Se plaint de vous, diſant à toute gent:
Que le chafſez pour complairꝛ à l'argent,
Et qu'à preſent ne faites choſꝛ aucune,
Si en auant n'eſt miſe la pecune.
Vous n'eſtes plus (ce dit il) amoureuſes,
Mais de l'argent trop auaricieuſes.
Amour n'eſt plus en cueur, ny en la face,
Pource qu'argent luy fait quitter la place:
De tel moyen, que mettez voz honneurs,
Entre les mains de ceux, qui ſont donneurs
D'or & d'argent. Certes (dames) i'en iure,
Ie crains qu'à droit ne ſouffrez ceſtꝛ iniure:
Et que celuy Cupido, qui l'arc bande,
N'a pas grand tort ſi ſes yeux il desbande,
Et met au feu le bandeau qu'il auoit,
Et par ainſi voz cautelles il void.

Or ie conſeillꝛ à vous toutes mes dames,
Si vous voulez viure ſans hontꝛ, & blaſmes,
Que vous chafſiez, par vn propos pudique
Ce Cupido & ſa mere lubrique,
Et ne fuyez ce vice ſeulement:
Mais auaricꝛ auſſi ſemblablement.

Le secret n'est à reueler.



Voyez icy en ceste hystoire.
 Comme ie tiens vne esuentoire,
 Dequoy i'esuente vne pensée,
 Qui s'est deuant moy auancée.

C'Est grand' folie d'esuenter,
 Et sa penséz à chacun dire:
 Car par trop souuent caqueter,
 On peult à soy, & autruy nuyre.
 Il n'est rien dessus l'homme pire,
 Et qui le fait plus indiscret,
 Que la langue prompt à mesdire,
 Qui ne peult celer son secret.

Dire ne fault tout ce qu'on sçait,
 Ne chanter tout ce que l'on pense,
 Soit de plein chant, ou de faulset,
 Soit de gain, ou soit de despense.
 La langue qui trop tost s'auance,
 Pour le secret du cueur ouurir,
 Baillz à ce cueur vn coup de lance,
 Dont à tard il se peult guerir.

Celuy qui dit tout son courage,
 Et ne peult bien son secret taire,
 Il se met d'autruy en seruage,
 Quand il le fait son secretaire:
 Mais qui est seul proprietaire,
 De son secret sans aparoiestre,
 Et n'en fait aucun inuentaie,
 Cestuy est de luy le seul maistre.

Toutes choses sont perissables.



Les choses de Dieu ordonnées,
Qui de l'humanité dependent,
Toute s'à vn tendre fil pendent,
Mourants apres qu'elles sont nées.

TOut ce que Dieu a produit en nature
 Dessous le ciel, & toute creature,
 Qui reçoit viz, & vertu sensitiue,
 Vegetatiuꝝ & ymaginatiue:
 Tout ce qui vient par disposition
 De l'æternel (sous constellation
 Des astres clers) qui par sa prouidence,
 Fait augmenter chacun genꝝ & semence,
 Et par liens d'amytié les annexe
 Si fermement, que tout & chacun sexe
 Se multipliꝝ, & en forme demeure:
 Il fault, pour vray, que celà finꝝ & meure.
 Car tout ne pend qu'à vn fil delié,
 Qui est souuent rompu, & deslié.
 Nous sommes iointz de chaisnes æternelles
 D'amour humain, toutesfoys naturelles:
 Car le secret de nature nous lie
 A quelqueꝝ amour de vertu, ou folie.
 Tant vertueusꝝ est la chaisnꝝ, & la corde,
 Qu'ellꝝ entretient le mōdꝝ en sa concorde:
 Et tout celà qui est au mondꝝ aussi,
 De qui la mort n'a pitié ne mercy.
 Car soys ou Roy, Empereur, ou Valet,
 Ta vie pend à vn petit filet,
 Et n'y a corps humain créé de Dieu,
 Qui ne s'en voyssꝝ, & retournez en son lieu.

Le monde instable.



Le monde en vne Isle porté
 Sur la mer tant esmeue & rogue,
 Sans seur gouuernal nage & vogue,
 Monstrant son instabilité.

QV'est deuenu le temps passé,
 Et ceux qui au monde viuoient,
 Qui tant de biens ont amassé,
 Et tant de sciences sçauoient?
 Ou sont ceux là, qui receuoient
 Les dignitez & grandz honneurs?
 Ou sont les princes, qui auoient
 Sous eux les puissants gouuerneur

Le monde instablꝝ & variant,
 Voguant sur la mer incertaine,
 Sans seureté s'en va riant,
 Prochain de tempeste soudaine.
 Ainsi nage vertu mondaine,
 Comme cestꝝ Isle sur la mer,
 Ignorant la vague prochaine,
 Qui ne tasche qu'à l'abismer.

Ainsi s'en va à l'auanture
 L'homme mondain tout son viuant,
 Et n'y a nulle creature,
 Qu'accident ne soit poursuyuant.
 En peril sommes bien souuent,
 Tendans d'arriuer à bon port:
 Et à la fin vient au deuant,
 Nous prendrꝝ au bric la noire mort.

Peril & danger de tous costez,



De tous costez treuve qui me fait guerre
Moy pauvre Lievre: & suis si tressur=
pris,

Que chiens me font la chasse sur la terre
Et en fin suis du Lievre marin pris.

HECATONGRAPHIE.

Comme ce Lieür est pris de to^r costez,
Et n'a refugz en terre, ny en mer:
En tous perilz ainsi sommes boutez,
Et es dangers pleins de fiel & d'amer.
Nous ne faisons que l'aage consommer,
En tous ennuiz, en grande peur, & crainte.
Si vn danger ne nous peult fairz atainte,
Soudain viendra vn autre fascherie:
Mal dessus mal croist la douleur sans fainte,
Ainsi l'estat de ce monde varie.

Nous n'auons point vn quint d'heurz as-
seurance,

Pour demourer en estat permanent:
D'estre certains n'auons point d'aparance,
Que de celà que voyons maintenant.
Si eschapez sommes incontinent
De maladiæ, ou autre tel exces:
Tantost viendra quelque douteux proces,
Qui nous mettra en grand' perplexité:
Et si celà ne fait sur nous acces,
Il nous viendra plus grandz auersité.

HECATONGRAPHIE.

Trop esperer deçoit.



Qui a vn espoir trop ardent,
Souuent se met en grand danger:
De raison se fait estranger,
Et deuient sot, & imprudent.

CE qui est licite de faire,
 Fault mettrꝯ à execution,
 Et esperer de le parfaire,
 Par bonne disposition.
 Garde que ton intention
 D'esper trop ardent ne se lie,
 Commꝯ vn, qui sans discretion
 Se met en l'eau par sa folie.

Esperer fault choses honnestes,
 Qui sont compaignes de raison:
 Non par ardeur comme les bestes,
 Sans limiter temps ne saison.
 D'esperer bien à grand foyson,
 Par vnꝯ ardeur trop excessiue,
 On loge son cueur en prison,
 Sans auoir ioye tant qu'on viue.

De vouloir trop hault esperer,
 Sans moyen & vraye mesure,
 Celà est à vituperer,
 Et l'entreprise trop peu seure.
 De s'aller mettrꝯ à l'auanture,
 Pour acomplir son esperance,
 La chose est trop troublꝯ & obscure,
 Ie n'y voy point bonnꝯ assurance.

HECATONGRAPHIE.
Esperance conforte l'homme.



Si fortune soustiens, & porte,
Qui m'a fait vn tour inhumain:
Ie tiens esperance en la main,
Qui me conduit, & me conforte.

HECATONGRAPHIE.

IL ne se fault point contrister,
Pour fortune qui nous auienne:
Mais sagement y resister,
Quelque fascherie qu'il vienne.
Il fault qu'Esperance soustienne
Noz faitz & tribulations.
Ie conseille doncq' qu'on la tienne,
Pour reigler noz affections.

Que gagnons nous de nous marrir,
Ny d'auoir douleur & tristesse,
Pour voir quelque chose perir,
Qu'auons aquis en grand' liesse?
Il est vray que celà nous blesse,
Et poind au cueur: mais toutesfois,
Bonnx Esperance nous r'adresse,
Et nous sguerit aucunesfois.

Esperance paist les chetifz,
Ce dit le prouerbz ancien:
Et fussent prisonniers captifz,
Chacun dit l'Espoir estre sien.
Parquoy i'ose dirz, & soustien
Qu'il n'est si malheureux sur terre
Qui n'esperz auoir quelque bien
Auant que mort le vienne querre.

Experiencẽ aucunesfois dangereuse.



I'ay esté trop sote & hardie
 Vouloir Cupido desbender:
 Car quand il à peu regarder
 I'ay esté perdu & perie.

HECATONGRAPHIE.

FEmmes d'honneur, Bourgoises, Damoy-
selles,

Vefues sans pair, mariées, pucelles,
Ne vous trompez, & ne vous deceuez.
Chasteté soit vostre maistress & guide,
Et ne laschez à voz desirs la bride:
Mais restraignez, comme faire deuez.

Ne tentez point vostre sexe benin,
N'essayez point si le cueur fœmenin
Resistera aux amoureuses flammes:
Ne vous donnez aucunꝝ ocasion
De suyurꝝ Amour en sa confusion,
Lequel destruit & les corps, & les ames.

Gardez vous bien de desbender les yeux,
Du dieu d'Amour cruel, & furieux.
N'essayez point vostre forcꝝ & prouesse:
Car bien souuent tel vit en liberté,

Qui se sousmet deffous la cruauté
D'un incogneu, dont il a grand' destresse,

Fuyez Amour, fuyez tous ses caquetz,
Fuyez plaisirs, fuyez festes, banquetz,
Quand vous pësez qu'Amour y met ses laqs,
Sages soyez, & vous donnez de garde,
Que fol Amour ne vous voyꝝ & regarde:
Car ie crains bien que n'en criez, hélas.

Amour faincte.



Le Loup semond la Brebis faintement,
 Disant: Ayons bonne amytié ensemble
 Dit la Brebis: Celà bon ne me semble,
 Tu veux aymer, mais c'est cruellement.

TV voys (lecteur) en l'hystoire presente,
 Commét vn Loup trescruel se presente,
 Pour suborner vne Brebis courtoise,
 Qui ne demandꝫ aucune guerrꝫ ou noyse:
 Mais luy respond, que la siennꝫ amytié
 N'estoit sinon vn amour sans pitié:
 Car bien sçauoit, s'elle le vouloit suyure,
 Qu'auecq ues luy vn iour ne pourroit viure.
 Vray luy di soit: car il l'eust deuorée,
 Si elle fust auecq' luy demourée.
 Ainsi les fins, cauteleux & meschants,
 Pour deceuoir vont leurs prochains cher-
 chants:
 Et n'ont esprit sinon à inuenter
 Ocasïon, pour quelqu'vn tourmenter:
 Ou simuler, par leur faintif langage,
 Vn amour faux, qui produit tout dommage.
 Mais à ceux là, qui ont tant de babilz,
 Deuons respondrꝫ, ainsi que la Brebis,
 (Aumoins de cueur) disant, leur acoïtance
 E stre de dol, de fraudꝫ, & malueillance.
 Et ne deuons à gents, qui sont si fins
 Nous demonstrier compagnons, & afins:
 Mais fault vser de sagesse & prudence,
 De peur de choir en brieue decadence.
 Car nous voyons que les malicieux,
 Veulent destruire innocents gracieux,

Les petitz peuuent souuentesfois
nuyre.



L'Aigle volant eut au Formis debat,
Mais le Formis pour venger sa grand'
honté,
Sur vn rocher inaccessible monte,
Les œufz de l'Aigle alors casse & abat.

PAr cestz hystoirz on doit assez entendre,
Qu'on ne doit point tant seulement cō-
tendre,

Auecq' les grands: ains auecq' les petitz.

Qui sont souuent pour nuire trop subtilz,

Et ont l'engin, qui cause mal & dueil,

Il se fait bon garder d'un petit œil:

Car à vn corps de petite stature

Gist aussi bien vn gros cueur, par nature,

Qu'il fait au grād: & peult maintefois nuyre

Celuy petit, pour vn plus grand destruire.

Si tu es richz & as beaucoup de bien,

Ce nonobstant ie te pry' garde bien

De despriser, ou blasmer l'impuissance

D'un plus petit: qu'il n'en preigne vëgeance.

Ainsi que fit l'ingenieux Formis,

Qui à monter vn hault rocher s'est mis:

A fin de nuyr au grand Aigle volant,

Qui l'auoit mis en quelque mal talent.

Celuy Formis en vengeance tresprompt,

Les œufz de l'Aigl il casse, bris, & rompt,

Et iet au bas de la roche treshaute.

Ainsi voyons quand on fait quelque faulte

Vers vn petit, celà luy est propice,

Pour aguïser son engin en malice.

L'hystoire de Giges Lidien,



L'œil de Dieu void tout peché & malice,
 Qui est commis contre la verité.
 Gardons nous doncq' de commettre au-
 cun vice,
 A celle fin qu'il n'en soit irrité.

HECatongraphie.

GIges pasteur, voyant la terre ouuerte
 Deseaux du ciel, qui l'auoiēt descouuerte
 Y descendit: & trouua dans son centre
 Vn cheual creux d'Arain. ayant au ventre
 Vn homme mort de grandeur nompareille.
 Et regardant ceste neuue merueille,
 Trouua au doit de ce corps, vn anneau
 D'or pur & fin qu'il trouua si tresbeau,
 Qu'il le faist, & le mit dans le sien.
 Puis celà fait, & ne pensant à rien,
 Reuint aux champs, ou il cogneut alors,
 Que par l'anneau qu'il print au doigt du corps
 Il deuenoit aux autres inuisible.
 Et par celà mainte chose nuyfible,
 Il exerça, car n'estant veu d'aucun,
 Tousiours faisoit fascheriæ à quelqu'un:
 Dont il auint par tellæ enchanterie,
 Qu'il viola la Roïne de Lidie,
 Et la deceut & tout le peuplæ aussi,
 Lequel tua son Prince sans mercy.
 Voilà que fit ce malheureux pasteur,
 Qui deuint Roy par son art d'enchanteur.
 Mais au contrairæ vn homme vertueux,
 Qui de bonté n'est point deffectueux,
 Ayme bien mieux souffrir la pauureté,
 Que d'estre riche avecq' meschanceté.

Defiance non moins utile, que prudence.



Le fin Renard aperceuant les pas
De mainte beste, allant à la taniere
Du fort Lyon, en reculant arriere,
Dit à par soy: Certes ie n'y vois pas.

Quand on veult bien entreprendre vn a-
faire,

On doit penser à ce que l'on doit faire
Et regarder le dommâge, ou profit
Qui en auient, comme le Renard fit.
Lequel passant par deuant la cauerne,
Où le Lyon habit & se gouuerne,
Cestuy Lyon le conuia de boyre
En sa maison: en luy faisant à crôyre,
Qu'il ne deuoit de luy tant s'estranger,
Mais la semonc estoit pour le manger,
Ce qu'entendoit assez bien le Renard,
Lequel luy dit: Compere, Dieu me gard
D'aller vers vous. Je suis assez sçauent.
Pour esplucher ce, qu'on dit bien souuent:
Que qui void mal à son prochê auenir,
Comme pour soy luy en doit souuenir.
I'ay veu entrer vne troupe de bestes,
N'a pas long temps, au lieu là où vous estes.
Je voy les pas comm' elles sont entrées:
Mais non les pas comme sont retournées,
Dont ie conclu que ie n'y dois aller.
Ainsi nous fait entendre à son parler
Celuy Renard, que ne deuons ensuyure
Les imprudens, qui par faulte de viure
Bien sagement, sont tous les iours deceuz,
Comm' il apert des bestes cy dessus.

Subtilité vault mieux que force.



Le fin Serpent de nature subtile
 Vn iour vouloit à l'Elephant combattre:
 Et ne pouuant par sa force l'abatre,
 Sa queue autour ses iambes entortille.

HECATONGRAPHIE.

Force n'est pas tousiours requise,
Aumoins force de corps humain:
Subtilité est plus exquisite,
Car souuent fait plus que la main.
L'entendement est plus soudain
A penser quelque chose faire,
Que n'est la main à le parfaire.
Et sortira plus aisément
De quelque danger & tourment.
Par engin & subtilité,
Que le corps pesant & dormant,
Par sa force & stabilité

Et ou la force cessera,
Et qu'elle quittera les armes:
Subtilité alors fera
Ses effaitz, & prudentz alarmes.
Si nous auons membres peu fermes,
A nostrꝝ engin ayons recours,
Qui nous fera quelque secours,
Pour assaillir, ou pour defendre:
Commꝝ on peult du Serpent entendre,
Qui met au bas vn Elephant,
Et par son engin veult pretendre,
Estre dessus luy triumpant.

HECATONGRAPHIE.

Paix.



De Paix le simulachre est paint,
Qu'elle a des boucliers pres l'Olive,
Et blé: dont fault que l'Oyseau viue,
Puis l'eau qui l'ardant feu estaint.

Celuy qui m'a paint & taillée,
 Et m'a ceste forme baillée,
 Cognoist assez bien mes effaitz,
 Comment furent & seront faits.
 Je suis Paix treshaulte déesse,
 Engendrée en ioye & lyesse
 Lassus, au trosne glorieux
 De Iupiter, le Roy des cieux.
 J'ay pres de moy l'Oliu verte,
 Monstrant, que quand paix est ouuerte,
 D'Oliu on porte les rameaux,
 En laissant boucliers & cousteaux:
 Car Paix est la fin de la guerre.
 S'on vouloit d'auantage en querre
 L'effait de ceste fantasie,
 Ainsi que le blé rassasie
 La faim, & l'eau estaint la braise,
 Et le feu de quelque fornaisie:
 Ainsi par quelque laps de temps
 Je fais finir mortelz contends,
 Noy ses, querelles, & debatz,
 Et à plus grands plaisirs m'esbatz,
 J'ay vn filz, qui Amour s'apelle,
 Qui de soy hait, chassé & expelle
 Vn autre Amour filz de Venus:
 Duquel plusieurs maux sont venus.

Le feu d'Amour.



Je suis en amour si tresfroide,
 Que ie ne me puis eschauffer:
 Au feu d'Amour me fault chauffer,
 Ou de brief mourir toute roide.

QVand amour void ses aprentiz
 Pasles,transis,froids comme glace,
 Foibles,couardz,simples,craintifz,
 Gelez au cueur,blefmes en face,
 Brandons & flambeaux il amasse,
 Et pour les chauffer leur enuoye,
 Puy il met le feu en la place
 Nommé le feu de courte ioye.

Il a d'autre sorte de boys
 No mmez beauté & grand plaisir
 Doux regard,acueil,douce voix,
 Dont il allumꝛ à son loysir
 Vn feu nommé ardant desir,
 Qui brusle tout de ses flammeschcs,
 Duquel feu il se veult saisir
 Quand il est lassé de ses flesches.

Or de ces deux feux nous gardons.
 De peur que n'en soyons bruslez.
 Fuyons ces flambeaux & brandons
 Qui font les amans desolez,
 Et si chauffervous vous voulez,
 Prenez du feu d'amour honneste,
 Que charité vous apellez
 Ainsi que saint Paul amonnestc.

HECATONGRAPHIE.

Foy, Charité, Eſperance,



La Foy eſt painte en ces deux mains,
Charité par feu eſt eſcrite,
Eſperance pour Sphère eſt dite
Ces troys conuiennent aux humains.

HECATONGRAPHIE.

SI nous voulons croire le saint escrit,
Avoir nous fault vne foy bonnz & viue,
Car sans la foy impossiblꝫ est qu'on viue
Plaisant à Dieu & son filz Iesus Christ,
La viue foy nous vient du saint Esprit
C'est don de Dieu: mais il fault qu'ellꝫ aporte
L'œuwrꝫ avec foy, autrement ellꝫ est morte
Sans fruit, ainsi que saint Iaques l'escrit,

La charité c'est la vertu tant belle
Dont le bon Dieu & le prochain aymons,
Par ceste là nous sommes tous semons
Qu'aucun ne soit à son prochain rebelle:
Si tu estois de tous le plus fidelle
Le plus sçauant mieux disant verité,
Tout n'en vault rien si tu n'as charité,
Car c'est la fin de la gloirꝫ eternelle.

En ayment doncq' celui qui fait promesse
De tous ses biens, fault auoir l'assurance,
En son parler, en prenant l'esperance
De paruenir à ceste grand hauteſſe:
Et ne craignons que l'ennemy nous blesſe
Si en Iesus nostre Dieu esperons,
Car esperancꝫ est vn des esperons,
Qui nous induit & donnz hardiesſe.

HECATONGRAPHIE.
Preuve de nouvelle amitié.



Auant que mettre en ce vaisseau
Aucun vin l'essay ie feray
S'il est bon & s'il tient bien l'eau,
Puis apres ie m'en serviray.

A Vant que faces vn amy
 Espreuue le bien loguement
 Ne l'espreuue pas à demy,
 Mais tout en tout entierement,
 Reueleluy secretement
 Quelque cas (non de consequence)
 Puy on verra à sa loquence
 S'il est tel qu'on s'y deust fier,
 Ainsi que tu vois essayer.
 Ce vaisseau auquel l'eau on boute
 Pour voir s'il est bon & entier,
 Et s'il s'enfuyt point gout & à goutte

Quand on void qu'il ne s'en va point
 Et qu'il n'est percé ne troué,
 On le lauz, on le met à point
 Pour bonnes liqueurs est voué,
 Ce vaisseau là est bien loué:
 Aussi quand quelque homme discret
 Tu trouues loyal & secret
 Qui ne respand riens par la voye
 De ce que ton cueur luy enuoye,
 Cestuy pour amy dois eslire:
 Ce sera ton bien & ta ioye,
 A qui tu dois ton secret dire,

Vn mal aporte quelque bien avec soy.



Vn Scorpion vn homme poind.
 Son venin respand en la playe,
 De l'en tirer l'homme s'essaye,
 Le venin n'y demeure point.

HECATONGRAPHIE.

LE mal de foy & naturellement
Est de chacun mis en abhoirement,
Et toutesfoys tout mal est de la sorte
Que quelque bien avecq' foy il aporte:
Car soit la guerrꝫ, ou pestꝫ ou heresie
Perte de biens, ou autre fascherie
Prinse de corps, proces, mortalité,
Touliours en vient aucunꝫ vtilité,
Fentens pourueu que l'homme ne s'abuse,
Mais qu'en prudencꝫ & sageffꝫ il en vse:
Car l'homme sagꝫ en la neceffité,
Fait son profit de toutꝫ auerfité:
Comme celuy qui seuffre d'auanture
Du Scorpion la trop griene pointure,
S'il est assez hardy de le tirer
Tout aufsi tost qu'il le vient martyrer,
L'ostant du membrꝫ auquel il se ioignoit,
Ce Scorpion qui parauant poignoit
Alors qu'on l'ostꝫ avecques foy retire
L'infait venin, dont le mal plus n'empire.
Ainsi ce mal & veneneux poison
Avecques foy porte sa guerison.

L'inconstant perit.



Si ie me fusse bien tenue
 Debout, sans me laisser aller
 Le feu ne me pouuoit brusler
 Et ne fust ma perte auenue.

CEluy qui est fermé & constant
 Ne craint point les tours de Fortune,
 A tout malheur va resistant,
 Chose qui soit ne l'importune,
 Vienne bon heur, vienné infortune,
 Sans tomber debout il se tient,
 Et en sa vertu se maintient,
 Sans changer en riens son vouloir:
 Et quand ainsi se fait valoir
 Par la force de sa constance,
 Il ne se peult iamaïs douloir.
 Pourueu qu'il ayt perseuerance.

Constancé est vn baston puissant,
 Sur qui on se doit apuyer,
 Il n'est point foyble ne glissant,
 Il ne peult rompre ne ployer:
 Il le fault doncques essayer,
 Pour se garder de cheute grieue:
 Qui chet il void sa ioye brieue,
 Et d'honneur n'est plus en saisine:
 Son inconstance le ruyne,
 Faulte que bien ne se gouuerne,
 Comme le feu qui exterminé
 Et brusle la pauvre Lanterne

sufifance.



Depuys que ie suis toute pleine
De l'eau de la clere fontaine,
Ie reiete le superflus:
Il me sffit, & n'en veux plus.


HECATONGRAPHIE.

SVifancz est la vertu tresslouable,
Qui fait les gents riches & opulents:
Contente ment fait tout hommz honorable
Qui ne requiert les biens trop excellents.
O que sont felz ceux là qu'on void dolents
D'auoir trop peu,auxquelz rien ne fufit
Si en tous cas ilz ne font leur profit!
Et toutesfoys quelque profit qu'ilz facent
Leur couuoitifz & defir ilz n'effacent,
Mais se norrist comme le feu sous cendre,
Biens dessus biens couuoitent & embrassent,
Sans se vouloir à raison condescendre.

Le cueur de l'hommz est tant mol & petit
Et toutesfoys grande chose couuoite,
Reffasier ne peult son apetit,
Combien qu'il soit en maison si estroite:
L'opinion qu'il a n'est pas bien droite,
Puis qu'il pretend les superfluitez,
Pour mieux complairz aux sensualitez
Et n'est content du bien qui luy abonde,
Tout let resor & richesse du monde
Ne luy fufit:il est de telle sorte
Que l'ardent feu,& flamme furibonde,
Qui brusle tout,criant aportz,aporte.

HECATONGRAPHIE.

Seruire dommageable.



En faisant à autrui seruire
Par le vray droit de mon office,
Pauvre chandelle que ie suis,
Ie me consumme & me destruis.

Qui sert bon maistrꝝ en atend bon loyer
 A tel seruicꝝ on se doit employer,
 Puy qu'il en vient profitable salaire,
 Mais qui se veult sous vn mauuais ployer,
 Illuy conuient plorer & larmoyer,
 Tout nud s'en va d'honneur & de bien faire:
 Car en faisant au mauuais le seruice,
 On n'y aprend que tout peché & vice:
 Et n'aquier on maintesfoys que des poux:
 Et bien souuent la ieunesse de l'homme
 Sous tel Seigneur se perit & consume.
 Et puis en fin on est moqué de tous.

C'est grand plaisir de bien seruir vn maistre:
 Dont en la fin le seruant puissꝝ hommꝝ estre
 D'honneur & bien, riche d'or & vertu:
 Et le Seigneur aussi doit recognoistre
 Tous ces biens faitz, tât qu'il facꝝ aparoistre
 Qu'il l'a payé, bien norry & vestu:
 Car autrement sous vmbre de promesse,
 Le seruiteur vseroit sa ieunesse,
 Perdant son temps & consummant sa vie:
 Ainsi que fait la chandelle bruslante
 Qui est son maistrꝝ au grand besoing ser-
 uante,
 Et en seruant elle meurt & deuie.

Mauuaise norriture.



Quelqu'un en prenant ses esbatz
 M'a ainsi mise contrebas:
 La cire le feu norrissant
 L'estaint & le fait perissant.

Q Vand la torchꝝ est dessus son pied dres-
sée

La cire lors norrist le feu luyfant,
Mais quand ellꝝ est contre bas renuersée
Le feu s'estaint nulle clarté faisant
La cire doncq' contre droité nature
Estaint le feu au lieu de norriture,
Tout ainsi font aucuns parens qui deussent
Norrir enfans à celle fin qu'ilz fussent
Gens de vertu:& au lieu de ce bien.
En tout peché & vice les enseignent,
Par mal norrir leurs bons espritz estaignent,
Et telz enfans en fin ne valent rien.

On doit aussi par cestꝝ historiꝝ entendre
Aucuns ayants trop l'aïse de leurs corps,
Tant de viandꝝ & de vin osent prendre,
Qu'ilz sont tremblans, foybles à demy mortz
Ce qui les deust par droïcture norrir
Auant leur temps les auancꝝ à mourir,
Car ilz font tant d'execrables excès
Que maladiꝝ en leurs corps fait acces
Qui les conduit de terrꝝ iusqu'au centre:
Mieux il vaudroit suyure sobrieté
Il en viendrait plus grand ꝝ vtilité
Que de mourir par trop norrir son ventre.

Multiplication de proces.



Tout homme en proces tant soit fin
 Alors qu'il pense estre à la fin,
 Il luy en suruient troys ou quatre
 Pour lesquelz il se fault debatre.

DAns le palus de Lerne residoit
 Hydra Serpent, lequel auoit sept testes:
 Mais Hercules qui rien ne demandoit
 Qu'aquerrꝫ honneur, par ses nobles conqu
 estes,

Liura l'assault à ce Serpent hideux.
 Et s'il coupoit des testes vnꝫ, ou deux,
 Pour ceste là, sept autres reuenoient,
 Qui en vn corps toutes s'entretenoient.
 Et luy estant de ce fait bien records,
 Pour debeller vn si furieux monstre,
 Sa grand' prudencꝫ avecq' sa force monstre,
 Laisse la testꝫ, & va tuer le corps.

Ainsi celuy qui a quelque proces,
 Pour iceluy il debat & argue:
 Il quiert moyen pour vaincre tel excès,
 Par tous subtilz, & par pratiquꝫ aguë
 Il veult prouuer son fait par plusieurs ditz,
 Saluations, repliques contreditz:
 Et quand il pensꝫ estrꝫ à la fin de cause,
 Cent incidents la partie propose.
 Lors ce proces, qui est vn grand Serpent,
 Quand on atend qu'il doie sa fin prendre,
 Autres proces grands comme luy engendre,
 Dont le plaideur à la fin s'en repent.

Faire tout par moyen.



Qui trop s'exalte, trop se prise,
 Qui trop s'abaisse, il se desprise:
 Mais celui, qui veult faire bien,
 Il se gouuerne par moyen.

F Ol Icarus que t'est il auenu?
 Tu as tresmal le conseil retenu
 De Dedalus ton pere, qui t'aprit
 L'art de voler:lequel il entreprit,
 Pour eschaper de Minos la prison,
 Ou vous estiez enfermez,pour raison
 Qu'il auoit fait & basty vne vache
 D'vn boys legier,ou Pasiphé se cache.
 Ce Dedalus nature surmonta,
 A toy & luy des ælles aiousta.
 Aux bras & piedz,tant que pouuiez voler.
 Et en volant,il se prit à parler
 A toy,disant: Mon filz qui veut pretendre
 De te sauuer,vn cas tu dois entendre,
 Que si tu veux a bon port arriuer,
 Il ne te fault vers le ciel esleuer:
 Car le Soleil la cire fonderoit,
 Et par ainsi ta plume tomberoit,
 Si tu vas bas,l'humidité des eaux
 Te priuera du pouuoir des oyseaux:
 Mais si tu vas ne hault,ne bas,adoncques
 La voye est seur & sans dangers quelz con-
 ques.

O pauvre sot! le hault chemin tu pris
 Trop hault pour toy:car mal il t'en est pris,
 La cire fond,& ton plumage tombe,
 Et toy aussi,prest à mettre sous tombe.

HECATONGRAPHIE.

S'ayder de tous ses membres.



Quand tes affaires tu remembres,
Qui tombent en auersité,
Il t'est adoncq' necessité
De te seruir de tous tes membres.

Q Vand l'Escureau veult passer la riuiera
 Il a en foy vne telle maniere
 De son instinct, que sur vn ais se met
 Au gré de l'eau: & si le temps permet
 Qu'il fasse vent, au lieu d'une grand toyle
 Lieue sa queue ainsi luy sert de voyle.
 Le vent le poussé, & l'ais sur l'eau le porte
 Si doucement, qu'il passé en ceste sorte.
 Donques voyez que ce qu'il ne peult faire:
 Auecq' ses piedz en vn si grand affaire,
 Il a, & prend à sa queue recours,
 A l'ais aussi pour en auoir secours.
 De tout se sert, & ayde tant qu'il peult:
 Vne partiz il fait de ce qu'il veult.
 L'homme prudent se doit ainsi ayder,
 Au moins s'il veult son fait tresbien guider.
 Et tout ainsi qu'un ouurier bien subtil,
 Ne treuve point iamais mauuais oustil,
 Et met s'il peult toutes pieces en œuvre:
 Semblablement l'homme prudent recœure
 Tousiours secours, quand il veult par raison
 Se gouverner selon temps, & saison.
 Il sçait si bien s'ayder de ses amys,
 Qu'en son affairé il a tantost fin mis.
 Tant bien se sçait ayder de corps, & biens,
 Qu'il fait son cas, sans deffaillir en riens

Contre les auaricieux.



Auarice deçoit son maistre,
 Ainsi qu'on dit vulgairement:
 Qui de son bien veult content estre,
 Il vit bien plus heureusement.

FOL Roy Midas ton ardant & auarice,
 Ta couuoitise & tresdamnable vice,
 T'ont fait tromper: car tu fis ta requeste.
 Au dieu Bachus, pour toy trop deshonneſte.
 Lequel Bacchus promet qu'à ta demande,
 Satisferoit, tant deust ellz estre grande.
 Tu y penſas, puis luy requis en fin,
 Que transmué fuſt en Or pur, & fin
 Ce que ta main toucheroit & tiendroït.
 Ce qui fut fait deſlors, en maint endroit:
 Car pour eſſay, toy touchant vne pierre,
 Vn arbre vert, vne motte de terre,
 Tout eſtoit d'Or, transmuant ſa nature.
 Regardant doncq' ceſte grand & auanture
 Tu t'eſiouyſ, & n'euz en ſouuenir.
 Du mal prochain qui deuoit auenir.
 A table vins, puis ta main ſe remue
 Prenant le pain qui en Or ſe transmue.
 Le verre prins, le vin qui fut dedans
 Deuint Or ſin entre tes blanches dents.
 Lors quand la faim ſi aſpre tu ſentis,
 De cueur contrit dolent te repentis,
 Et recogneuz, que ta grand' couuoitiſe
 T'auoit deceu: bien tard tu t'en auiſe,
 Et toutesfois confeſſas à voix haute,
 Que l'auaric & eſtoit vne grand' faute.

HECATONGRAPHIE.
Amour du bien public.



Ce n'est pas cy Cupido, ieunx enfant,
Que vous voyez au curre triumpant:
Mais c'est Amour, lequel tient en sa corde
Tous les estatx en grand' paix & con-
corde,

IE suis Amour, non pas celuy, qui tue
 Les amoureux, non pas qui institue
 Les vanitez & pompes de ce monde:
 Je suis Amour honnesté pur & munde,
 Voire qui deust, en ce curre doré,
 Estre de tous (comme bon) adoié.
 Je suis celuy qui les hommes repais,
 Du tresbon fruit de desirée Paix:
 Et c'est la fin à quoy le paintre tend,
 Pour ton esprit (lecteur) rendre content.
 Car il m'a paint ayant la palmé en main,
 Pour demonstrier, que ie suis treshumain,
 Seigneur de Paix & de longuë aliance.
 Mon curre d'Or n'est mis en oubliance:
 Car tout ainsi qu'il a ses quatre rouës,
 Pour le porter par beaux chemins & bouës,
 Lesquelles sont si concordants, ce semble,
 Qu'elles ne vont sinon toutes ensemble:
 Ainsi ie suis au monde pacifique
 Par quatrë estatz, de la chose publique
 Duit & mené. Noblessé est la premiere,
 Puis sainté Eglisé en sa clere lumiere:
 Et pour ayder à ces deux par moyen,
 Est mis Labeur, & le bon Citoyen,
 Portans entr'eux vne grandé amytié,
 Et beaucoup plus que ne dy la moytié.

La chose publique.



Comme en la nef chacun s'aplique.
Faire l'office, ou il est mis:
Tout ainsi en la republique,
Par degré plusieurs sont commis.

Q Vand la nef est bien equipée
 De mastz, de rames, & de voyles,
 Et que la mer l'a atrapée
 Entre les eaux & les estoyles:
 Là est le patron resident,
 Honoré commé vn president,
 Par qui la nef est gouvernée.
 Puis ellé est conduité & menée
 Des galiotz le voylé au vent.
 L'un est à la prouë deuant:
 L'autre est au mastz, l'autre à la hune.
 Ainsi chacun se met auant,
 Pour venir au port, sans fortune.

A bon droit peult-on comparer
 La republicque à la nauire:
 Ainsi la fault il preparer
 Pour la bien mener & conduire.
 Les vns ont le gouuernement,
 Dessus tout generalement:
 Autres sous eux tiennent office.
 Chacun employe son seruice,
 Pour le bien du pauvre commun,
 Par ordre & en temps oportun,
 Selon son degré & puissance:
 Et pour l'entretenir, chacun
 Y fait de foy obeissance.

HECATONGRAPHIE.
Contre les Astrologues.



Ce n'est pas à nous à cognoistre
Les secretz, & les mouuements
Des cieux, estoilles, elements:
C'est à Dieu, qui en est le maistre.

HECATONGRAPHIE.

VN philosophꝰ en la chaude saison
 Se pourmenoit vn iour hors sa maison,
 Et regardoit les signes & cometes,
 Iugeant du cours & regard des planetes.
 Or en allant & haulsant son regard
 Deuers le ciel, & sans voir autre part,
 Par cas subit tomba en vne fosse:
 Dont il souffrit vnꝰ angoisse tresgrosse.
 Et là il fut longuement demouré,
 S'il n'eust esté par son seruant tiré,
 Lequel luy dit en le tirant de là:
 Certes (monfieur) ie m'estonnꝰ en celà,
 Que les secretz du ciel voulez enquerre,
 Et ne voyez les dangers en la terre.
 Vous enquerez la nature des cieux,
 Et ne voyez ce qu'est deuant voz yeux.
 Par ce propos il taxe la folie,
 Du Philosophꝰ, & son Astrologie:
 Qui entreprend de cognoistre les faitz
 Du seigneur Dieu, & ocultes effaitz:
 Et veult iuger des choses auenir,
 Et quel chemin elles pourront tenir.
 Mais en leur fait ilz sont tant ignorants,
 Que leur salut ne sont point sauourants,
 Et ont laissé en oubly la sentence:
 Qu'il fault auoir de foy la cognoissance.

HECATONGRAPHIE.

Ne cacher la verité.



Ne vueillez sous le muy cacher
La belle esclairante chandelle:
On a tousiours affaire d'elle,
Pour besongner, ou pour marcher.

HECATONGRAPHIE.

LA verité ne veult estre cachée,
Par laps de temps se monstrer & se des-
cœuure:

Et sa clarté ne veult estrer empeschée,
Soit de bonté, ou soit de mauuais cœuure.
Si par falac & par dol on la cœuure,
Pour n'estrer aux gents bien clair & aparête,
On tomb, on chet, sanstenir voy & sente:
Car la lumier est du tout absconsée,
Ne plus ne moins que la chandell ardente,
Qui sous le muy est cachée & mussée.

Je ne dy pas la faulse Verité,
Dont ont parlé les meschants heretiques:
Mais seulement ie me suis arresté,
Aux cueurs couuerts, & aux vouldoirs iniques.
Qui par maintz tours, & diuerses trafiques
Dessous le muy de leur malice fiere,
De verité ont caché la lumiere,
Contrevenants au dit euangelique.
Car, quand on met Verité en arriere,
Tout s'en va mal par vn chemin oblique.

HECATONGRAPHIE.

Election de vertu.



Le grand chemin meinx à perdition,
Ceux là qui vont par vne telle voye;
Et le petit meinx à saluation,
Dont on reçoit inestimable ioye.

HECATONGRAPHIE.

AV temps passé Hercules arriva
 Sur deux chemĩs, ou deux dames trouua
 L'vne Vertu, & l'autre Volupté.
 Toutes deux l'ont sur le champ arresté,
 Et luy ont dit (voire chacun à part)
 De leur naturę, & faitz vne grand' part,
 Croy mon conseil (dit Volupté lasciué)
 Preux Hercules, il fault que tu me suyue:
 Entrę au chemin tout reuestu de fleurs,
 Et laisse la Vertu, auecq' ses pleurs.
 Auecques moy tu pourras en plaissance
 De tous delitz auoir trespample aissance.
 Ah (dit Vertu) fleur de cheualerie,
 A mes propos iamais ne contrarie:
 Suy moy par cy, vueillę apres moy venir,
 Et tu pourras en la fin paruenir
 Au lieu d'honneur, place tant estimée,
 Ou s'acroistra ta grande renommée:
 Et laisse là le chemin des delices,
 Qui meinę au lieu des pechez, & des vices.
 Si le chemin est trop laborieux,
 Ton paruenir sera plus glorieux.
 Lors Hercules pour estre reuestu
 D'honneur & loz, cheminę apres Vertu:
 Et tant voulut en haultx faitz s'employer,
 Qu'un beau chapeau il eut pour son loyer.

HECATONGRAPHIE.

Se gouverner selon le temps.



Dessus les arbres son nid fait
La Pie, quand le temps est doux:
Mais s'il fait grand vent, en effait,
Elle fait son nid tout dessous.

HECATONGRAPHIE.


Selon le temps se fault conduire,
Et selon saison gouuerner:
En esté il se fault deduire,
Et en hyuer fault s'hyuerner.
Quand on void la paix dominer,
Le laboureur seme sa terre:
Quand on doit bataille mener,
Alors on s'en va à la guerre.

En toutes choses il fault faire,
Selon l'estat du temps qui court:
Et s'il t'estoit du tout contraire
Endurç, & fains que tu soys sourd.
Mais si bon temps enuers toy sourd,
Vse de luy prudemment:
Auisant qu'il est souuent court,
Et qu'il s'en va soudainement.

Aussi cede lieu à fureur,
Et à courroux donne la place:
En temps d'acord soys procureur
D'aquerir paix & bonne grace.
Si on te monstre belle face,
Tu es bien aisé, il te suffit:
Mais aussi si on te menasse,
Fay en, si tu peux, ton profit.

HECATONGRAPHIE.

La guerre douce, aux inexpe-
rimentez.



Les Papillons se vont brusler
A la chandelle qui reluit:
Tel veult à la bataille aller,
Qui ne sçait combien guerre nuyt.

Ceux qui n'ont eu de guerre les trauaux,
 Et qui n'ont veu les bannieres en l'ær,
 Donner dedans, abatre les cheuaux,
 Faulser harnois, meurtrir & affoler:
 Qui n'ont aussi veu les esclatz voler,
 Trompes sonner, & semondr à l'assault
 Tant, que tout homm en fremit & tressault,
 Voyant son sang sur terre respandu:
 Ceux là (ie dy) qui n'ont bien entendu
 Les maux diuers de la guerre cruelle,
 L'estimant douc, amoureux, & tant belle,
 En desirant estr en telz bastillons:
 Ilz sont ainsi que petit Papillons,
 Lesquelz s'en vont brusler à la chandelle.

On fait, on dit de guerre les chansons,
 S'esiouyssant des assaultx & vacarmes:
 Ce sont, pour vray, fascheux & meschâts sons,
 Dont les deux yeux deuroiét espédre larmes.
 Ceux qui le font n'ont gueres veu les armes,
 Et ne sont pas bien experimentez.
 O pauures sotz ! de guerre vous chantez,
 Et ne sçauéz les maux qui sont en guerre.
 Veuillez premier l'effait d'icell enquerre,
 Et ne louez ce, qui est à blasmer:
 N'apellez doux ce qui est bien amer,
 Et gardez bien qu'on ne vous y entasme.
 Non que les fortz, & les puissants ie blasme:
 Car au besoing on les doit bien aymer.

Estre cause de son mal.



Ne donne blasme qu'à toymesmes
 Si aucun malheur te surprend:
 Car contre toy rien n'entrepren,
 Sinon par tes faultes extremes.

Iadis Fortunꝝ haultainꝝ & despitueuse,
 La Pauureté tant meigrꝝ & soufreteuse.
 Liura l'assault, & combat outrageux:
 Qui ne fut pas pour ellꝝ auantageux.
 Mais parauant la bataille donnée,
 Entrꝝ elles fut telle loy ordonnée:
 Que ceste là, qui vaincue seroit
 La volunté de l'autrꝝ accompliroit.
 Lors sur le champ se mettent en bataille,
 L'vne d'estoc, l'autre frape de taille.
 Tant fut batu (pour abreger l'hystoire)
 Qu'à Pauureté demeura la victoire,
 Qui dist tout hault: Fortune, tu peux voir,
 Que maintenant tu es sous mon pouuoir:
 J'ordonne doncq' que Bonheur, ton enfant
 Gouvernera, ainsi que triumpfant,
 Tous les humains: & Malheur, le tien filz,
 Duquel plusieurs ont esté desconfitz,
 Tout promptement à vn arbre sera
 Tresbien lié, dont il n'eschapera.
 Et ne pourra, ensuyuant ma defense,
 Fairꝝ à autruy quelquꝝ iniurꝝ, ou offense,
 Sinon à cil, qui par sa volunté,
 Mettra Malheur en pleine liberté:
 Car il ne peult à aucun fairꝝ outrage,
 Qui ne luy donnꝝ vn tresgrand auantage.

Complexion de femme.



Je tiens l'Oliue à la main dextre,
 Et vne espée à le senestre,
 En noise & guerre me repais,
 Puis quand ie veux ie fais la paix.

HECATONGRAPHIE.

ON ne void point vne femmꝝ ocupée
 A batailler, ny à tenir espée,
 Au moins bien peu: si est ce qu'en la terre,
 Ellꝝ a esté cause de mainte guerre.
 Car son esprit conduit par liberté,
 Est àguisé d'une subtilité,
 Qui peult tant fairꝝ avecq' les pleurs & lar-
 mes,
 Qu'esmouuera la force des gensdarmes.
 Ellꝝ a l'esprit, ellꝝ a la langue prompte,
 Dont les plus forts & puissants elle dompte.
 S'elle ne fait guerrꝝ & occision,
 Ellꝝ en fera aumoins occasion:
 Car son parler à vne telle force,
 Qu'à batailler les hommes ellꝝ efforce.
 Ainsi qu'on void par les belles hystoires,
 Qui de telz cas sont les vrayz repertoires.
 Mais quand la femmꝝ a l'esprit bien humain,
 Elle tient lors toute paix en la main:
 Sa volonté à sa beauté acorde,
 Tant que les deux ne quierēt que concorde.
 Elle fera les hommes furieux,
 Estre courtoys, simples & gracieux:
 Elle fera, en diuerses prouinces
 Mettre la paix entre courroucez princes,
 Commꝝ on a veu & void on bien souuent,
 Quand pour tel cas on le met en auant.

HECATONGRAPHIE.

Faire ce, qui est condescend à beauté.



Qui bien regarde au miroir sa semblâce,
Il a de soy parfaite cognoissance.
Qui se cognoist en ce mondain passage,
Il est de tous estimé comme sage.

VN iour passé Socrates regardant
 Ses escoliers, qui vn miroir ardent
 Tenoient en main: auquel par l'oguz espace,
 Chacun d'iceux se regardoit la face.
 Aucuns desquelz la nature auoit faitz
 Beaux de visagz & de membres parfaitz:
 Les autres laidz, difformes de visage,
 Mal composez de membres & corlâge.
 Socrates doncq' aux beaux adolescents
 Dit ces propoz: Mes enfans, ie consents
 Que vous myriez, mais gardez qu'aucun vice
 Vostre beauté maculz, ou en laidisse,
 Gardez vous bien qu'aucun vilain peché,
 A vostre cueur soit mis & ataché:
 Car la beauté, qui au miroir se monstre,
 Nulle seroit, ains vous feroit vn monstre.
 Puis dit aux laidz: Enfants qui vous mirez,
 Si vous n'auiez beauté que desirez,
 Faites vous beaux de l'habit des vertuz,
 De cest habit deuez estre vestuz.
 Si n'estes beaux exterieurement,
 Soyez tresbeaux interieurement:
 Ceste beauté pour quelque temps qu'il face,
 Ne change point iamais de bonne grace:
 Tant plus se cachz & plus se monstre belle,
 Tant plus est vieillz & plus ellz est nouuelle.

Calumnie.



A tort, & par faitz indecents,
 Deuant les Iuges d'ignorance,
 Calumnie porte nuysance,
 Contre les iustes innocents.

HECATONGRAPHIE.

A Pelles paintrꝯ, excellent en ouurage,
 Pour se venger d'aucun vilain outrage,
 Qui luy fut fait d'un calumniateur:
 Fut d'un tableau ingenieux faeteur.
 Premièrement paignit, comme rassis,
 Un iugꝯ estant au tribunal assis,
 Ayant au chef d'un Asne les aureilles,
 A celles là du Roy Midas pareilles.
 Deux conseilliers il mit à ses costez,
 Auxquelz tous bons iugements sont ostez:
 L'un Ignorancꝯ & l'autre Soupçon,
 Ayant de femmꝯ & l'habit, & façon.
 Deuant ce Iugꝯ ainsi acompagné,
 Vient Calumniꝯ au vistant rechigné,
 En la main dextrꝯ ayant la torchꝯ ardante:
 Pour demonstrier sa fureur fouldroyante,
 Et qu'ellꝯ estoit par enuie enflammée
 Contre l'honneur, le bien, la renommée
 D'un pauvre humain, qu'à forcꝯ elle tenoit
 Par les cheueux, & ainsi le trainoit,
 En desirant qu'on luy ostant la vie.
 Et deuant ellꝯ, estoit debout Enuie,
 Qui procuroit du Iuge la sentence:
 Mais derrierꝯ eux cheminoit Repentance,
 Et la suyuoit de bien loing Verité,
 Qui acusoit telle seuerité.

HECATONGRAPHIE.

Nature foemenine.



Je suis de la complexion,
Des petitz oyseaux que ie garde:
Je suis d'aussi mauuaise garde,
Qu'ilz sont, en leur condition.

V Ne femme, quoy qu'elle face,
En reigle ne veult estre mise:
Elle desirꝝ estrꝝ en espace,
Sans estrꝝ à personne submise.
Soit en la ruꝝ, ou en l'Eglise,
Ellꝝ est aussi sotꝝ & volage,
Querant liberté & franchise,
Que le petit oyseau ramage.

Les femmes, sans toutes blasmer,
Sont à garder assez fascheuses:
Quand sont subietes à aymer,
Et trenchent trop des precieuses.
Ie le dy pour les vicieuses:
Les bonnes ie ne veux taxer,
Qui sont de l'honneur curieuses
Au fait au dit, & au penser.

Les tendres & ieunes pucelles,
Ce sont petits oyseaux volants:
Elles ont vne couple d'ælls,
Qui les portent es premiers ans,
En deduitz & esbatz plaisants.
L'vnꝝ est la chair ayment lieffe,
Qui volꝝ en la villꝝ & aux champs:
Et l'autre, c'est sottꝝ ieunesse.

Le grand ayant affaire du moindre.




Combien que ie sois viue Vigne,
 Pleine de Raisins que ie porte:
 Si est ce que ie ne desdaigne
 L'arbre petit, qui me suporte.

HECATONGRAPHIE.

ARbre gentil qui portes & soustiens,
Moy & mes fruitz qu'en mes branches
ie tiens,

Graces te rends puis que tu t'humilies
Pour me porter, & qu'avec toy me lies.
Si ce n'estoit ton commode suport,
De bons Raisins ne ferois grand raport:
Sans ton pouuoir duquel tu ne m'es chiche,
Ie fusse mort & demouré en friche:
Mais par ta forc & bonne soustenance
T'ay des Raisins en tresgrand abondance,
T'ay doncq' besoin moy vigne fructueuse
De ta haulteur & forc vertueuse,
Combien que soys de moy mesmes fertile,
Et toy sans fruit tout sauuag & sterile.
Cela demonstrez assez que les puissants
Ont grand besoing des pauures impuissants,
Et ceux qui ont tout ce que cuer souhaite,
Ont toutesfois des petitz grand disette.
Par ce void on la grande sapience
Du seigneur Dieu, qui par sa prouidence
A sceu si bien le monde compasser,
Que l'un ne peult de l'autre se passer.
Le grand ne peult tout seul de sa puissance,
Le moindre fait au grand obeissance,
Et par ainsi nul ne peult par reproche
Dire qu'il n'a affaire de son proche.

HECATONGRAPHIE
Beauté accompagnée de bonté



Comme la Pierre precieuse
Est à l'Anneau d'or bien coniointe,
Ainsi la beauté gracieuse
Doit estre avecq' la bonté iointe.

HECATONGRAPHIE.

LA pierre bonne
A l'homme donne
Ioyeuseté,
Quand la personne
A voir s'adonne
Sa grand' clarté:
Mais sa beauté,
Et dignité
Augmente quand l'Or l'environne,
Que ie comparç à la bonté
Pour sa tresgrandç vtilité
Qui à tellç vertu consonne.

Formç elegante,
Beauté patente,
De personnage,
Du tout augmente,
Se rend luyfante,
Quand il est sage,
Non au visage,
Mais au courage,
Reluyt la bontç excellante:
Et alors c'est vn chef d'ouurage
Quand on est tresbeau de corsage,
Et qu'au cueur est Vertu iacente.

HECATONGRAPHIE.

L'ymage d'ocasion.



Haste toy bien tost d'atraper
L'ocasion quand el' s'avance,
Si tu la laisses eschaper
Tu en feras la penitence.

O Casion, s'il auient qu'on s'informe
 De ta façon, de ta paintur & forme,
 Et qu'on demand au vray que signifie
 Ce qui est veu dedans ton effigie,
 Tu respondras disant en ceste sorte:
 La vieille Nef dessus la mer me porte,
 Et suis assis au mylieu d'une rouë
 Ou ie m'esbatz, ie me tournoy & iouë:
 Et pour anoir mouuement plus soudain
 On m'a baillé ce grand voyl en la main.
 J'ay aux deux piedz des ælles pour voler,
 Quand il est temps qu'il m'en cōuient aller,
 Sçais tu que c'est? on congnoist par cela
 Que sans arrest vois deçà & delà,
 Et qu'ie suis si mobil & glissante
 Qu'a peine peult me tenir main puissante:
 S'el ne me prend quand ie luy suis offerte,
 Que si i'eschap, à peine recouuerte
 D'elle seray, pouice qu'à val le vent
 Tous mes cheueux s'espendent par deuant,
 Et ne me peult arrester d'un seul poinct
 Car de cheueux derriere n'ay ie point.
 Celuy qui doncq' me laissera fuyr
 Ne pourra plus apres de moy iouyr,
 A luy sera penitenc enuoyée
 Qui est icy contre mon dos liée:

Estre tondu deux fois l'an.



Moy pauvre simple Brebiette
 Helas combien m'a il cousté:
 On me tond hyuer & esté,
 Dont me plains, souspire & regrette.

HECATONGRAPHIE..

L Es Loups sous toy son de Brebis
Deuorent Moutons & Aigneaux,
Les hommes sous vmbre d'habitz
Deçoient les iustes loyaux:
Le simplx endure plusieurs maux,
On le met nud & hors d'aleine,
Ainsi qu'entre les animaux
La Brebis perd deux foys sa laine.

Vn deteur lequel est contraint
De payer à troys ou à quatre
Tout en vn temps, certes il craint
Que pauureté le viennx abatre:
Et si fortune le vient battre,
D'autre costé, tout est perdu,
Il est blanc commx vn sac de plastre:
Car on la trop de pres tondn.

Vous qui pouuez desplaisir faire
A ceux que voyez affliger,
Qui ont quelque fascheux affaire
Et qui sont à vous obliger,
Ie vous pry' que les soulagez,
Ne les pressez trop de la paye,
Deux foys vous les endommagez,
Nul ne le sçait qui ne l'essaye.

Armes & amours.



Le preux Hector, le beau Paris de Troye,
 Jouent tous deux de harpe armonieuse
 Hector semond à guerre furieuse
 Et Paris quierre esbat, soulas & ioye.

HECATONGRAPHIE.

D Edans le temple des dieux
En maintz lieux
On à dressé les ymages
D'Hector, en chocqz furieux,
Et de Paris gracieux,
Tiefioyeux,
Deux renommez personnages,
L'un chante les auantages,
Les courages,
Des preux en guerrꝝ ou assaulx,
L'autre n'est pas des plus sages,
Qui chantꝝ en diuers langages
Les outrages,
Qu'amour fait à ses vassaux.

Ces deux Princes cy chantans,
Sont notans
Qu'amour se ioint voluntiers
Auec les preux combatans,
Qui sont guerre frequentans,
En tout temps,
C'est l'un des meilleurs sentiers:
Les nobles en tous quartiers
Mieux d'un tiers
Vallent, quand sont amoureux,
Amour fait que les derniers
Sont aux combatz les premiers,
Promptz, legers,
D'un couragꝝ vigoureux.

Pardonner aux humbles & guerroyer les
orgueilleux.



Le Chien est du Lion vaincu
Qui ne le veut pas deuorer,
Le Griffon cruel & becqu
Veut le fier Lyon deschirer.

HECATONGRAPHIE.

MOy petit Chien n'ayant rebellion
 Me rends vaincu & subiect au Lyon,
 Je me submetz a son vouloir puissant,
 Comme son cerf & vray obeissant:
 Et luy voyant ma nature tant bonne
 Me laissꝛ en paix & du tout me pardonne,
 Me retenant son suiet seulement,
 Prest d'obeir à son commandement,
 Et par cecy vn chacun peult cognoistre
 Qu'il fault ployer au deuant de son maistre,
 Car nul ne peult s'oster du ioug pesant.
 S'il ne se fait petit, humblꝛ & taisant.
 Tout au contraire vn Griffon merueilleux
 Tient le Lyon sous ses piedz perilleux,
 Comme vaincu, & tant plus l'vn s'efforce
 Pour eschaper, l'autre prend plus de force
 Pour le tenir sous ses ongles pointuz,
 Dont les cruelz & fortz à combatus.
 Cestuy Lyon tant fier & courageux,
 Treuux vn Griffon encor' plus outrageux.
 Doncq' si au simplꝛ on fait quelque douceur
 A l'opositꝛ au cruel agresseur
 On fait rigueur contention ou guerre,
 Car autrement on ne le peult conquerre.

Peril incogneu.



Le rocher caché souz les ondes,
Incogneu par les nautonniers,
Brise la nef es eaux profondes,
Perissant iceux mariniers.

HECATONGRAPHIE.

Fortuné est presté & tousiours à l'escoute
Et lors qu'on pensé estre bien seurement
Le mal survient duquel on ne se doute.

Après beau temps vient furieusement
Gresle tombant, puis oragé & tempeste,
Et l'herbés au soir seiche soudainement.

Dessous la fleur le cauli serpent s'arreste
Qui p'qués & poind cil qui la veult cueillir.
Ainsi douleur vient après ioyés & feste.

Et quand on pensé à son honneur faillir
De quelque fait c'est souuent à tellé heure
Qu'on s'aperçoit plus lourdement faillir.

Doncq' icy bas n'a riens qui nous assure,
Nous pensons doux ce qui est bien amer,
Vraye cuidons la chose la moins seure.

La nef perit au mylieu de la mer,
Rencontré vn roch caché dessous les eaux
Qui la Nef brisé, & la fait entamer.

O lieu peu seur entre marins roseaux?
O grief peril non estant esperé?
Chemin pareil à celui des oyseaux.

Ainsi est il qu'en ce monde paré
De tant de cas, n'a riens fermé & bien stable,
Parquoy on la à la Nef comparé
Qu'il se perit contre vn roch redoutable.

HECATONGRAPHIE.

Fortune mendiante.



Ne contez plus Fortune entre les dieux
Car elle n'a sur les humains puissance,
Ne luy donnez aucune obeissance,
Tât en la mer, en la terre qu'aux cieux

HECATONGRAPHIE.

Le lecteur.

Quel est le mal qui ainsi t'importune
Et fasche tant, variable Fortune
Respons à moy ie te pry' que me dies
L'ocasion & pourquoy tu mandies:
Quelle langueur as tu au bras si forte,
Que tu le tiens en si estrange sorte,
Commꝰ en escharpe & pendant deuant toy
Ce n'est pas tout, aussi declaire moy
Pourquoy ta rouë a perdu la moytié
De sa rondeur? dy le par amytié.

Fortune.

O bon Lecteur mon bruit n'a plus de cours,
Et mes honneurs sont tournez a rebours,
T'estois iadis assise dans vn throsne,
Mais maintenant ie demande l'aumosne
A chacun huis, car la prudencꝰ humaine
A tel meschef & pauureté me meine,
Et celle main dont ie donnois les biens
Les maux aussi, las ie n'en fais plus riens:
Les sages gens me l'ont misꝰ en tel point.
Qu'ilz l'ont rompuꝰ & ne m'en ayde point.
Finablement ilz ont rompu ma rouë,
Dont faisois choir les plus grandz en la bouë,
Et m'ont osté la puissancꝰ & le nom
Dont i'euz iadis tant celebre renom,
Et toutesfois si pauvre que ie suis
Les incōstans m'ouurēt tousiours leurshuys.

HEC ATONGRAPHIE,
La deception de Volupté.




Volupté qui s'est deguisée
Le beau nom d'amour usurpant,
Sur chacun s'est auctorisée
En meurtrissant & en frapant.

HECATONGRAPHIE.

A Mour estoit iadis vn ieunç enfant
 Honnestç & bon, des vices triumpfant,
 Qui dominoit par pureté de cuer
 Sur les humains, dont il estoit vainqueur
 Celuy Amour logeoit es cueurs des sages,
 Celuy Amour faisoit les mariages
 Celuy Amour gouernoit les citez,
 Sans guerrç aucune & partialitez,
 Celuy Amour faisoit aymer les hommes
 Pour les vertus, non pour les grandes sommes
 D'Or ne d'Argent, ne pour aucun delit,
 Car il fuyoit tout ce qu'on fait au liçt
 Hors mariagç & son honnesteté.
 Or auint il vn iour que Volupté
 Le trouua leul contre luy elle sault,
 Et luy liura vn trescruel assault,
 Dont fut vaincu: lors ocupa son lieu,
 Et comme luy se fait apeller dieu
 De vray amour: print son arc & ses traitz,
 Desquelz ellç a les cueurs humains distraitz
 De l'amytié sous ceste couuerture
 A transmué des choses la nature.
 Car ellç a fait croyrç à tout chacun
 Qu'ellç est Amour: mais s'il y a quelqu'un
 Qui y ayt creu, ie l'auisç vraiment
 Qu'il à esté deceu bien solement.

Amour acompagné de vertu.



Quand ces deux se treuuent ensemble
 Par effait & non en peinture,
 Tout s'en porte mieux ce me semble
 Selon la reigle de droiture.

HECATONGRAPHIE.

VOicy Amour lequel bandé n'est point
Et de ses traitz ne naüre ny ne point
Le cueur d'autrui.

Voicy Amour parent de chasteté
Beauté, bonté, douceur, honnesteté
Sont auecq' luy.

Voilà Vertu Royne des bienheureux
Qui est aupres du Roy des amoureux
Comme compagne.

L'un prend plaisir à tout le monde aymer.
A hayr vicx & tout peché blasmer,
L'autre se baigne.

Cestx Vertu tient vn cueur en sa main,
Ou logx Amour tant courtoys & humain,
C'est son hostel:

Et puis celuy lequel ellx enuironne
Du verd chapeau & l'aurée couronne,
Est immortel.

Si vous voyez Amour d'oresenauant
Estre tout seul commx on void bien souuēt,
Sans ceste Dame,
Il ne vault riens, & ne fait point de fruit,
Par tel Amour chacun homm^x est destruit
De corps & d'ame.

HECATONGRAPHIE.

Le Temps.



Le Temps s'en va & ne reuient,
Auecques luy passer conuient,
Et si court d'une telle sorte
Que tout auecques luy emporte

Quand Dieu me fit i'estois ieunx & plai-
sant

Mais maintenant ie suis vieux & pesant,
I'ay cheueux blancz, la longue barbe grise,
Ie suis tout nud sans robx & sans chemise,
Pource que tous qui sont de moy venus
En sont yssus & nez pauvres & nudz,
Et nudz mourront sans richessz emporter:
I'ay aux deux piedz pour plustost me haster
Aelles mouuants, aux espaules aussi
Qui m'ont porté & conduit iusques cy.
Ie vois si tost & si legierement,
Qu'on ne me peult arrester seulement
D'un petit point: le Ciel qui tousiours tourne
M'y a contraint, & sans que ie retourne.
Ie tirx à moy celuy ciel & planettes
Ans, moys, & iours, estoilles & comettes:
Leurs cours & vol se meuent si soudain
Que tout se passx en ce siecle mondain.
Dessous mes piedz pour plus les fairx habiles
Deux rouës sont courantes & mobiles.
Et pour autant que par succession
Des ans & iours, on a probation
Des faitz passez, de ce qui est à faire,
Pour mieux entendrx & peser ton affaire
Et prendrx au choix ce que bon tu reputes,
Ie tiens en main les balances bien iustes.

L'heure de la mort incertaine.



Sur le Cadran qui n'est signé
 Tourne l'esguille sans demeure,
 Pour mourir n'est iour assigné,
 De mort est incertaine l'heure.

HECATONGRAPHIE.

LA mort des bons est douce & amoureuse
Et des malings terrible & douloureuse:
L'une d'icelles
Conduit les siens es ioyes supernelles,
Et la secondꝫ aux peines eternelles,
Et toutes deux
Rendent le corps triste, pale, hideux,
Qui l'homme fait tant craintif & douteux:
Il ne sçait pas
L'heurꝫ & le iour de son mortel trepas,
Que de son corps les vers feront repas.
Mort est certaine,
Mais de mourir l'heurꝫ en est incertaine
En region ou prochaine ou loingtaine,
Parquoy conuient
Estre tout prest quant le maistre reuient
Du grand banquet, de nous il luy souuient,
Vous ne sçauiez
(Dit il) le iour que mourir vous deuez
Soyez soigneux, du dormir vous leuez:
Car vous serez
Surpris alors que pas n'y penserez,
Et de la mort le dur pas passerez,
Prenez y garde:
Et le seigneur qui tout void & regarde,
Vous receura seurement en sa garde.

La voye de ieunesse incogneue.



La voye de ieunesse
A des chemins diuers,
L'un à bon port adresse,
L'autre va de trauers.

HECATONGRAPHIE.

Q Vand nous voyons l'oyseau leger voler
 Parmy les champs & au trauers de l'ær,
 Nous ignorons à voir tellz volée
 S'il volera en montaignz ou vallée,
 Quand nous voyons la couleure passer
 Dessus la pierrz, on ne sçauroit penser
 A son aller qu'ellz voye doit prendre:
 Ainsi est il qu'on ne sçauroit comprendre:
 Du ieunz enfant, à le voir en ieunesse
 Quel y sera en l'aage de vieillesse,
 Et tout ainsi qu'en volant de sa place
 L'oyseau ne laissz apres luy nulle trace,
 Ne fait aussi la Tortue, couleure,
 Ainsi l'enfant ne laissz aucun bel œuure
 De son enfance, aumoins qui soit notoïre
 Pour estre mys en memoyr z où hystoire.
 Or est ainsi que pour l'aage auenir
 On ne sçait pas quel chemin doit tenir,
 On ne sçait pas s'il yra par la voye
 Des vertueux, ou est tout bien & ioye:
 Ou s'il yra par le chemin des vices,
 Pource qu'il est ancores des nouices,
 Et peult autant empirer qu'amander:
 Qui en voudroit plus auant demander,
 Il seroit sot, c'est à Dieu à cognoistre
 Qu'ellz est la fin depuis le premier naistre,
 Et toutesfois en la facz on peult bien
 Iuger qu'un iour sera homme de bien.

HECATONGRAPHIE.

N'entreprendre par dessus sa force.



Celuy qui son esprit efforce
Et veult plus qu'il ne peut comprendre,
C'est comme qui veult entreprendre
Oultre son pouuoir & sa force.

HECATONGRAPHIE.

LE bon esprit qui a inuention
L'art & sçauoir pour diter & escrire,
Et meinz à fin la siennę intention,
Sy bien disant qu'il n'y a que redire:
S'il perd le temps sans fair aucune chose,
Ne lit, n'escriit en rithme. ny en prose,
Certes il est grandement à blasmer,
L'oyssiueté le fera diffamer,
Veu qu'il le peut, & par lascheté n'ose.

Plus fault celuy qui vient à presumer
De mettre auant sa trop lourdę ignorance,
Et ne fait riens qui soit à estimer
Des muses n'a le port ne l'assurance:
Il est semblablę au compas qu'on estand
Pour fairę vn rond, lequel on œuure tant
Qu'on le corrompt, & le rondeau de fait
Ia commencé, est laissé imparfait,
Parquoy l'ouurier ne fait ce qu'il pretend.

Ainsi le Sot fait semblant qu'il entend
Sans iugement & sans discretion,
Il se deçoit: car au cas ou il tend
N'y a propos, ordę & deduction:
Son fait demeure en imperfection,
Par ce qu'il a sur la forcę entrepris,
Et à la fin sera taxé repris,
Si on cognoist son obstination.

Misere compaigne du bien d'autrui.



Tant plus on a & plus veult on auoir:
 Et qui d'autrui possede la richesse
 Misere & mal le poursuyuent sans cesse,
 Et en repos iamais ne se peult voir

HÉCATONGRAPHIE.

MOy pauvre Cheual
Amont & aual
Voys incessamment,
Mon aage brutal
Est subiet á mal
Et à grief tourment.

Je porte grand charge,
Qui si fort me charge
Que plus ie n'en puis,
S'on ne me descharge,
Me mettant au large,
Affolé ie suis.

Je suis bien secoux,
Et tombe dessous
Cela qu'ie porte:
Mon maistr' est si doux
Qu'à force de coups
Il me reconforte.

L'homme me ressemble
Qui d'autruy assemble
Bien ou heritage,
Misere ce semble
S'envelop' ensemble
Et thont' & dommage.

Garder les biens de la maison.



L'homme en toute saison
A gagner biens pourchasse,
La femme en la maison
Les garde & les amasse.

L Es escriuains qui ont dit en leurs vers
Des bas enfers les grâdz tourmens diuers
Ont recité que parmy tant de peines,
De plaintz, de plours, & de trauaux tresplei-
nes,

De Danus les filles sont la bas
Versans de leau en vaisseaux & cabatz
Percez au fons, si que l'eau qu'on y boute
N'arreste point, & s'enfuyt goutꝯ à goutte:
Et toutesfoys tant plus veulent verser
Tant plus aussi l'eau s'enfuyt sans cesser..
En ce tourment perdurable demeurent
Pource qu'en vain trauaillent & labeurent,
Et par cela les Poëtes entendent
Qu'en vain labeur toutes les femmes tendēt
A gagner biens, si elles n'ont le soing
De les garder d'autant qu'il est besoing.
Sy le mary fait bonne garnison,
La femme doit en temps & en saison
Le dispenser non pas en faire perte,
Car le mary par sa prudencꝯ experte
Auroit beau fairꝯ & gagner largement
S'il n'estoit despendu sagement.
La femme doncq' ainsi l'eau ne respande,
C'est assauoir qu'elle riens ne despende:
La Damꝯ autant en bien gardant profite,
Que l'homme fait aucq' grande poursuite.

La statue de Caia Cecilia



Toute femme pudique
Doit estre domestique,
Non pas aller dehors
Pour mieux monstrier son corps.

HECATONGRAPHIE.

LE Roy Tarquin eut vne fille sage,
 Bien entendant au fait de son mesnage,
 Dans sa maison, par si bon ordre & sens,
 Par faitz priuez honnestes & decents,
 Que les Romains apres sa mort luy firent
 Si grand honneur, qu'un ymagé establirent
 A sa louengé, à fin que s'esuertue
 Chacune femme à voir ceste statue.
 Pres de laquellé estoient vne quenouille,
 Et vn fuseau, dont la femme besongne,
 Pais tout au bas la pantoufle de chambre.
 Or tout ainsi qu'atrait la pierre d'Ambre
 Paillé, ou festu, l'imagé ainsi pourueüe,
 Tiroit à soy de tout chacun la veüe:
 Et mesmement des grands dames Romaines,
 Qui s'eforçoient en leurs vertus humaines
 Se demonstrier prudentes mesnageres,
 En leurs maisons, & dehors non legeres.
 Car tellé ymagé assez faisoit entendre,
 Que toute femme à vertu deuoit tendre:
 Qu'elle deuoit estre laborieuse,
 Des faitz d'autrui, non pas trop curieuse,
 Et ne deuoit, sans grand' cause, & raison
 Aller en villé, & laisser sa maison.

HECATONGRAPHIE.

Vertu meilleure que richesse.



Vertu par la palme notée,
Est de plus grand poix que richesse;
Richesse est par elle emportée,
De Vertu vient vraye noblesse.

HECATONGRAPHIE.

SI nous pesons à la iuste balance,
Contre Vertu la richesse mondaine:
Nous trouuerons de plus grandz excellence
Ceste Vertu, que toute chose humaine.
Tout son pouuoir, & son sieg^z est asis,
Dedans le cueur d'homme sag^z, & rassis:
Et la fleurit comme la palme belle,
Qui tous les iours en beauté renouuelle,
Mais au contrair^z, vne richesse passe,
Vertu conduit son bien aymé aux cieux:
Mais l'affolé, rich^z, & auaricieux,
N'emporte rien de ses biens qu'il amasse.

Si on pouuoit, doncques Vertu peser,
Elle seroit au trebucher plus forte
Que la richess^z: ou on void abuser
Tout le commun. Qui est de telle sorte,
Qu'il prise plus richesse que Vertu:
Et tasche d'estr^z au dehors bien vestu
Plus richement qu'il ne luy appartient,
Et de Vertu aucun conte ne tient.
Deuant les beufz va mettre la charrue:
C'est mal esleu, prenons Vertu durable,
Et delaissons richess^z variable,
Qui par dedans rend l'ame corrompue.

Gloire mondaine tost abatue.



Vne vessie de pois pleine,
 Resemble a la gloire mondaine:
 Qui passe aussi legierement,
 Que l'autre fait soudainement

HECATONGRAPHIE.

EXcellents sont les biens d'entendement,
Comme Sçauoir, Iugement, & Memoire,
Les biens de l'amꝛ aussi semblablement,
Sont à louer par merueilleuse gloire.

Ce sont Vertus, Prudence, Cognoissance,
Iusticꝛ, Amour, Religion, Pitié,
Sobrieté, Temperance, Constance,
Beauté d'esprit, Bonne gracꝛ, Amytié.

Tous ces grands biens, en despit de Fortune
Augmenteront en celuy, qui les a :
Pour mal qu'il ayt, ne pour quelquꝛ infortu
ne,

Pour pertꝛ, ou gain iamais ne les perdra.

Les biens du corps, ce sont fauses richesses,
Or & Argent, Terres, Possessions,
Charnalitez, Voluptez, & Lyesses,
Ieux & Banquetz, & Delectations.

Gloire mondainꝛ est en ces biens icy,
Querant honneur de lourd, & graue poix:
Parlant bien hault, ie la comparꝛ aussi
A la vesliꝛ estant pleine de pois.

Car aussi tost qu'vnꝛ espingle la perse,
Son bruit s'en va, desenflee deuient:
Aussi s'il vient quelque fortunꝛ auerse,
Gloire mondainꝛ apetisser conuient.

HECATONGRAPHIE.
A qui Fortune en donnera.



Tout ce qu'ont dit les anciens,
De Fortune, & sa liberté,
Qui donne des maux & des biens,
Tout est icy représenté.

HECATONGRAPHIE.


ON ne sçauroit de Fortune mieux faïdre
 Le grád pouuoir, ne son ymage paindre,
 Qu'en descriuant le hazard plein de ris,
 Qui de present est ioué dans Paris,
 Nômé la Bláquæ: auquel ieu plusieurs hõmes
 Y ont gagné d'or, & d'argent gráds sommes,
 Pour petit prix qu'ilz auoient au ieu mis,
 Et sans faueur D'amys, ou ennemys.
 Autres y ont du leur mis grand' partie,
 Et dessus eux toute pertæ est sortie,
 N'en rapportant que courroux seulement.
 Ce ieu se fait à tous également:
 Car d'un costé sont les noms & deuises
 De ceux qui font d'argent les grosses mises:
 De l'autre part sont les escriteaux blancs,
 Qui aux premiers sont du tout ressemblants.
 Parmy lesquelz sont mis les benefices
 Aux rencontrants gracieux, & propices.
 Ce sont ioyaux, bagues, chaynes, dorures,
 Carquantz, anneaux, coupes, tassés, ceintures,
 Et autres biens: dont les poix & les prix
 Sont dans aucuns de ces billetz escritz.
 Vn aueuglæ est entre les deux vaisseaux,
 A ses deux mains tirant les escriteaux
 Des deux costez: desquelz il fait la monstre;
 Dont il auient, que s'il y a rencontre
 De la deuise & benefice aussi,


HECATONGRAPHIE.


C'est à celuy dont la devisè ainsy
Est rencontré: & des autres le reste
Se trouue blanc, sans que rien s'y aqweste,
Ie ne sçauois pour Fortune prouuer
En ses hazardz, ieu plus de cent trouuer:
Pource que maints par luy se treuuent riches,
Les autres nudz, & demourez en friches.

Plus que moins.

F I N.







SPECIAL

86-B

22625

THE GETTY CENTER
LIBRARY

